

中牟縣志

上

臺灣國家圖書館, NATIONAL CENTRAL LIBRARY, TAIWAN. R.O.C.



45

976

中牟縣誌序

中牟古豫州之區周宣王會諸侯之處東接大梁西連右鄭北限黃河南據土山中則一望坦夷人民頗稱淳厚蓋中州之氣致多鍾而魯荅之遺化未泯者興五代及宋為

近畿之邑人物古蹟紛出時
見而食貨田賦倍於他邑至
於山川形勢之屬地里塚廟
之類皆不可以不記夫何百
餘年來縣誌未定雖有抄本
適相傳玩而古今人物之事
實宦達節義之文章多缺而

不錄反以佛老淫乖之言雜
於其間噫賢才節義大有闕
乎世教也今乃缺畧謬亂如
此何以表正風俗激勸人心
茲余以菲才奉

命來知縣事食祿蒞政罔敢怠
荒稍有餘力躬歷境內山川

古蹟踏蘇拭碑辨認銘章按
視方區徧詢故考再取鄉進
士張啓家藏鄉乘披閱再四
參互磨審務求其真於凡佛
氏考莊之文章必點之所以
斥異端也義士實達之銘誌
必錄之所以崇志尚也而名

得於先實與於今者不與世
教之大悉刪而去之鱗次羽
集分爲七卷中間增損去留
誠有未當而俗言俚說質而
不文固不敢出而示諸人人
也一日察案對時震季直張
盛鄒寶宋溥袁旦龍繼本見

之皆以為縣之有誌不越乎
紀事實而已尚何以簡朴不
華計之哉且公今務政事者
有餘及此之勤且文而過於
他者將來尚有文學君子博
采精密而修飾潤色於後焉
余於是乃脫藁銀之於木願

與邑人共覽焉

正德十年歲次乙亥春正月
上旬吉日知中牟縣事保定
新城韓思忠序

縣志目錄

卷之一

建置沿革

疆域

山川

形勢

風俗

古蹟

鄉鎮

村寨

祥異

卷之二

戶口

四糧

農桑

屯田

壇廟

寺院

水井

亭堂

樓臺

卷之三

塚墓


橋梁

堤岸

公署

鋪舍

名宦



臺灣國家圖書館, NATIONAL CENTRAL LIBRARY, TAIPEIN, R.O.C.

人物 高賢 科甲 歲貢 薦舉 隱逸

義士 節孝 仙釋

卷之四

文章

卷之五

文章

卷之六

文章

卷之七

題名

縣志目錄

縣誌卷之一

建置沿革

中牟縣據禹貢職方云豫州之域即圃田周宣王會

諸侯之處春秋為鄭邑後為晉大夫佛肸封邑所謂

以中牟叛者是也其後趙獻侯自耿徙居之戰國屬

魏秦屬三川郡漢為中牟縣屬河南郡三國魏因之

晉屬滎陽郡後魏屬東弘農郡東魏屬廣武郡隋屬

管州尋廢州置滎陽郡縣隸焉唐武德二年以縣置

牟州仍為縣屬滎陽郡貞觀元年割隸汴州五代梁

屬開封府宋及金皆因其舊元屬汴梁路河南行省

白平章差千戶王守忠鎮守主簿王思溫典史趙彥

人物 高賢 科甲 歲貢 薦舉 隱逸

義士 節孝 仙釋

卷之四

文章

卷之五

文章

卷之六

文章

卷之七

題名

縣志目錄

縣誌卷之一

建置沿革

中牟縣據禹貢職方云豫州之域即圃田周宣王會

諸侯之處春秋為鄭邑後為晉大夫佛肸封邑所謂

以中牟叛者是也其後趙獻侯自耿徙居之戰國屬

魏秦屬三川郡漢為中牟縣屬河南郡三國魏因之

晉屬滎陽郡後魏屬東弘農郡東魏屬廣武郡隋屬

管州尋廢州置滎陽郡縣隸焉唐武德二年以縣置

牟州仍為縣屬滎陽郡貞觀元年割隸汴州五代梁

屬開封府宋及金皆因其舊元屬汴梁路河南行省

白平章差千戶王守忠鎮守主簿王思溫典史趙彥

從治縣事追我

國朝洪武元年天兵下河南王守忠等率衆歸附仍隸開封府疆域

東抵祥符縣界三十五里南抵洧川縣界六十里西抵鄭州界三十五里北抵陽武界五十里東西延七十里南北袤一百一十里

分野

縣在豫州之域按天文心星分房心之次

城池

土城周圍六里三十步東枕古城西面古今築脩不一正德七年知縣周紀重築高二丈濶如之池深濶

各一丈引注以水名其門東曰朝陽西曰鎮平南曰迎薰

北曰拱辰

郡名

牟陽郡

以縣在牟山之南故名

三異郡

以魯公為政有三異故名

至到

東至祥符界三十五里

西至鄭州界三十五里

南至洧川界六十里

北至陽武界五十里

東到開封府七十里路通陳留縣

西到鄭州七十里路通滎陽縣

南到洧川縣一百里路通許州

北到陽武八十里路通衛輝府

東南到尉氏九十里路通鄆陵縣

西南到新鄭一百里路通長葛縣

東北到封丘一百五十里路通長垣縣

西北到原武九十里路通武陟縣

東南到南京一千二百四十五里

東北到北京一千五百八十里

山川

狗脊山 在縣治後內狀如狗脊高丈許本草云麻黃產於此山成化

十五年知縣戴玉伐掘根柢粗拱把長三尺許自此麻黃不生

上山 在縣治南二十五里高五丈餘周圍五里餘上建大金勅賜

寶峯院為中牟人鎮

牟山 在縣治北五里高一丈餘延數十里上建名山廟縣之得名以此

馬陵岡 在縣南六十里綿亘五十餘里上建龐涓廟下建孫子廟

本非孫子伏兵殺涓之處地有是名鄉人不知而誤傳之耳

聖佛岡 在縣治東南三里高數丈原有古刹在上代無可考俗傳

此地樓臺殿宇隱顯不時以為仙景今不復見矣

汴河 亦曰蔡河自須水之滎澤帶繞縣北來經漳店鎮東流入

祥符界安家口因澆沒田禾正統六年滎澤知縣李全水奏

准閉塞改流黃河今淤為平地其名猶存

海子河 在縣治東街心積水淤漫先有南北二水門通洩今閉

塞水永歲不涸

黃河

在縣北遷決無常民甚受害

灘頭河

在縣北黃河支派自榮澤惠濟橋等處來經縣北東

南入尉氏界達南頓

双垵小清河

在縣西南五十里流入丈八溝

楊家河

在縣南四十里 敲醒溝 在縣西南三十里

蓼溝

在縣西二十里 渡母溝 在縣西三十里

丈八溝

在縣西二十里 老雅溝 在縣西北二十里

金線溝

在縣西北二十里 掛金溝 在縣北二十六里

接溝

在縣東二十里 清塘溝 在縣南六十里

圃田澤

在縣西職方云豫州澤菽曰圃田是也源出鄭州八里河

流入中牟境為大澤梁惠王開大溝以行圃田之水由浚儀分渠

秦漢唐宋累如疏浦而無壅遏高車者出而可耕窳下者散

而成區今白澤者八陂者三十六其實圃田一澤之所分也

東澤

西澤 南澤 北澤 俱在縣北二十五里

泊澤

在縣南六十里 蒙澤 在縣西二十里

鴈澤

在縣南三十里 蔡澤 在縣東南十里

大灰陂

小灰陂 大限陂 俱在楊橋保

大黑陂

小黑陂 小長陂 俱在永安保

三龍陂

大長陂 大師陂 俱在南梁保

白頂陂

在魯村保 長官陂 在葛橋保

白墓陂

港稍陂 桑家陂 時家陂

大人陂

大漢陂 俱在海澤保 梭子陂 在占橋保

黃家陂 焦家陂 俱在韓庄保 東吳陂

西吳陂 水瀆陂 劉家陂 俱在高家窩

白沙陂 蓼澤陂 俱在白沙保 玉河陂

正禮陂 俱在蓋寨保以上陂水各相流通自經黃河淤沒皆為平地矣

蔡家陂 趙漢陂 獸頭陂

毋投陂 俱在祈興保水皆不相通惟毋投陂水入丈八溝 稻畦陂

馬長陂 俱在三異坊外水流入海子河自水門閉塞各自為水矣

鴈澤陂 在土山保

形勢

中牟為邑東西原隰夷曠沙岡突出於南黃河沂流於北
四通八達要衝之邑此其地之形勢也

風俗

人性剛淳相半士習詩書民務稼穡婚姻以禮四時合祭
先祖公墓所居喪多用浮屠士大夫家用家禮婚喪不舉
者親朋周濟有忠厚之風焉

古蹟

佛貯城 在縣東曹操重築遺址尚存

官渡城 在高家窩曹操拒袁紹之處

八角城 在古塙保世傳華王所築莫可考

坊街

三異坊 在縣治西正街今廢

平易坊 在縣門前知縣董敏立

澄清坊

在縣東按察司前今廢

旬宣坊

在縣東布政司前今廢

興賢坊

在儒學門東今廢

崇儒坊

在儒學門西今廢

大成坊

在文廟東知縣郝滋立

擢秀坊

在十字街西知縣張瑛為壬子舉人王翰立

經魁坊

在丁字街知縣張瑛為乙卯舉人張揖立

接武坊

在十字街西知縣程宣為丙子舉人張翼立

易魁坊

在甯門內知縣戴玉為甲午舉人鄭紀立

登雲坊

在丁字南街知縣許謹為丙午舉人冉鼎立

傳桂坊

在十字街西主簿劉福為乙酉舉人王汝清立

進士坊

在十字街西知縣郝滋為癸丑進士王汝清立

冠英坊

在海子橋東知縣郝滋為壬子舉人張翰立

亞元坊

在丁字街知縣雷寬為甲子舉人張登立

折桂坊

在縣治西知縣雷寬為甲子舉人李坤立

縣前大街

通東西城門

縣南後街

西通南小十字街東至養濟院海子河

縣後北街

東至海子河西通北大街

東十字街

在縣西北通北門南通南後街

西十字街

在丁字街西西通甯北通真武廟南通南後街

丁字街

在東十字街西中通東西大街南通甯門

縣前巷

南通南後街北通縣前大街

海子西巷 北通大街南抵海子河

御井巷 北通大街南抵海子河

驛小巷 北通大街南抵海子河

鄉保

梁邑鄉 在縣東南 三異鄉 在縣西北

蓋寨保 大秦保 李寨保 土山保

晶澤保 高黃保 新興保 大庄保

白沙保 淳澤保 楊橋保 永安保

南梁保 魯村保 萬勝保 大薛保

聖水保 原敦保 大郭保 古墻保

高家窩保 韓庄保 三異坊 興化保

仁義保 張村保 趙固保 西河保

尚德保 沙河保 崇寧保 鄭村保

南岩保 鞅溝保 北岩保 敏德保

清寧保

鎮集

楊橋鎮 在縣西北五里 萬勝鎮 在縣北三十里

沙河鎮 在縣北四十里 韓庄鎮 在縣東三十里

新庄鎮 在縣北五里 白沙鎮 在縣西三十里

三異集 在城內 鄭店集 在縣東大秦保

杏樹集 在縣北郭保 張家庄集 在縣南高黃保

芝麻岡集 在縣北高家窩 白沙集 在白沙鎮

萬勝集

在萬勝鎮

新庄集

在新庄鎮

楊橋集

在楊橋鎮

圪塹店集

在縣南晶澤保

黃店集

在縣南李寨保

村店

邢鉄寨

水駝里 供在縣東南

高黃寨

東李村

西李村

陸家庄

張村寨

丁家庄

土山店

高庄兒

張麻里 俱在縣南

圈後村

老營村

樹頭村

謝庄

桃花村

蔣家城

蔡家庄

猴兒村

狼窩哩

馬村

康村

潘店 俱在縣西南

程家村

義井店

西盤村

供在縣西

清平村

岡頭村

東十里店

西十里店

沙波池

七里店

燕岡村

紙房頭

坨子頭

安家村

新興鄉

俱在縣西北

吳仙寨

西小朱村

東小朱村

朱固村

灘頭村

魏家庄

東吳寺渡

虎鹿營

了舍村

喇吧寨

小谷村

西吳寺渡 俱在縣北

水瀆村

蒼家寨

老觀背

鎮頭村 俱在縣東北

祥異

魯恭為令有善政致祥異三二曰蝗不入境二曰化及鳥獸

三曰豎子有仁心是歲嘉禾產庭

弘治十二年海子河南北開並頭蓮教繁

災異

正統十三年黃河决開竹茭口大薛等保地方坍成大河
奔沒民田天順五年黃河泛漲决塌縣城民田尽沒
成化十四年天忽陰霾暴風大作雹大如拳禾木尽傷
成化十六年六月連日大雨大小河水盡泛田禾尽沒
成化二十年大旱民食树皮蒺藜麻籽盡有食人肉者
成化二十一年大疫

景蹟

聖岡仙景 魯廟晴暉 土山獻翠 沐水帶流
海潭秋月 興國曉鍾 龍池靈應 狗脊名山
物產

粟 黍 麥 豆 芝蔴 葛絲 絲

綿 麻黃 蓮實 枸杞 紫花 苧 苧

香附子 蔓菁 芥 韭 葱 菠 苳

蘿蔔 茄 胡蘿蔔 蒜 瓜 胡芦

萵苣 瓠子 胡荽 荷 菊 葵 薔薇

刺梅 木槿 石竹 芍藥 槐 柳 椿

榆 桑 桐 楮 棟 桃 李

杏 梨 蒲萄 棗 藕 石榴 柿

胡桃 櫻棗 鷄 鵝 鴨 鶴 鶉 鳧

鳩 天鵝 鷺 牛 馬 豕 羊

兔 狐 魚 鰕 蛙 龜 鱉

縣誌卷之二

土貢

歲進本色天鵝三隻

鷓鴣一十七隻折鈔一百四十三錠四貫三百文

鴈二十六隻折鈔一百六十五錠六百文

歲辦雜色翎毛七萬三千九百六十六枝折鈔二百二十

一錠四貫四百九十文

各色課鈔共七百一十九錠三貫三百二十文

酒課鈔二百四十四錠 醋課鈔一錠一貫七百二十文

魚課鈔七錠四貫 房課鈔一十七錠三貫三百文

門攤鈔六十九錠三貫 商課鈔四百七十九錠四貫四百文

縣誌卷之二

土貢

歲進本色天鵝三隻

鷓鴣一十七隻折鈔一百四十三錠四貫三百文

鴈二十六隻折鈔一百六十五錠六百文

歲辦雜色翎毛七萬三千九百六十六枝折鈔二百二十

一錠四貫四百九十文

各色課鈔共七百一十九錠三貫三百二十文

酒課鈔二百四十四錠 醋課鈔一錠一貫七百二十文

魚課鈔七錠四貫 房課鈔一十七錠三貫三百文

門攤鈔六十九錠三貫 商課鈔四百七十九錠四貫四百文

臺灣國家圖書館, NATIONAL CENTRAL LIBRARY, TAIWAN. R.O.C.

額辦皮貨二百七十七張

帶毛軟皮八十一張

羊皮二十張

狐皮二十一張

野狐皮八張

貉皮三十二張

退毛白皮九十六張

鹿皮二十二張

獐皮三十七張

羊皮三十八張

戶口

軍民雜役人戶五千三百六十四戶男婦六萬四千八百六十四口

男子三萬九千八百口 婦女二萬五千五百六十四口

戶口食鹽鈔一十一萬一千七百一十二貫

田糧附折色

起科官民地共三千六百七頃二十一畝六分五厘三毫

官地三十一頃二十六畝六分五厘

民地三千五百七十五頃九十五畝三毫

夏稅地一千八百五十頃三十九畝二厘二毫

秋稅地一千七百五十六頃八十二畝六分三厘一毫

夏秋稅糧共二萬八千七百五十八石七斗七升九合八勺七抄四撮

夏稅小麥一萬四石四斗三升四合一勺九抄三撮

稅絲五千七百一十九兩一錢四分九厘六絲

秋糧粟米一萬八千七百八十一石三斗四升五合六勺七抄九撮

馬草二萬三千六百九束五斤

農桑

本縣三異等坊保黃河坍塌衝作河道并開河掘壞及
兩岸土壓被水滄占不堪耕種夏秋地共六百九頃七
十一畝五毫弘治九年奉勘合折作陝西濶布
夏稅地二百四十一頃九十六畝一分二厘該夏麥二千二百
九十四石四斗九升二合折濶布一千七十八疋半
秋稅地三百六十七頃七十四畝八分八厘五毫該秋糧三千九百三
十四石九斗升二合七分三撮七粟六粒折濶布三千九百二十五疋
起科官民桑棗三萬四千八百九十四株
官桑棗四百九十株
民桑棗三萬四千四百四株

桑三萬三千三百二十株歲徵絲綿二千二百兩八分八厘
棗二千五百七十四株歲徵棗子易米二百三十七石并
不起科民桑棗共九十六萬二千六百六十五株
桑四十七萬七千四百三株 棗四十二萬三千六百七株
櫻棗五萬九百三十三株 桃八千七百三十七株
杏二千五百六十八株 石榴八百四十四株
李一百一十五株

屯田

周府校尉屯田

二處俱在高家窩保

壇廟

文廟

在縣東弘治九年知縣郝滋重脩

社稷壇 在縣北水浸成湖弘治年知縣郝滋移於縣西大道北

風雲雷雨壇 在縣南水浸成湖成化十年知縣戴玉移於縣西南三里

邑厲壇 在縣城北

城隍廟 在縣西洪武年知縣張永恭建弘治十五年道士張有素

重建鄉人蔡健等銅鑄聖像

魯公廟 在縣西關街北每歲三月二十四日有司牲帛致祭知縣雷寬

重脩 在魯村乃當時巡行所止之處四時鄉民致祭

東嶽廟 在縣治東鄉民張環重脩

吳王祠 在縣北萬勝鎮北高丘上今廢

龍王祠 在縣治西北隅水池中大元延祐元年忠翊校尉達魯花

赤谷海不花建今廢

真武廟 在縣治西北隅龍王祠東今廢在楊橋鎮西南鄉民吳瑤建

二郎廟 在縣治北民人張璠等重脩在楊橋鎮鄉民李方重脩

火星廟 在縣南街元大德十年知縣思恪重建義官張嵩重脩

關王廟 一在縣東關義官張岳重脩一在萬勝鎮一在楊橋

鄉民吳瑤重脩李春覆脩

帝堯廟 一在烏澤保鄉民李聰重建一在南梁保鄉民劉得重建

帝舜廟 在魯村保

夫子廟 在百敦保佛胎召子歆往不果經歷處

虫王廟 在高黃保魯公時蝗不入境鄉民建

五嶽廟 在縣東蓋寨保金大定四年建

龐涓廟 在馬陵岡上鄉民夏景重脩

孫子廟 在馬陵岡下鄉民魏成重修

孚應通利王廟 在楊橋鎮鄉民張慶重修

華王廟 在古牆保八角城中今廢

三官廟 一在縣西關外道主張守明建在楊橋鎮鄉民牛資等建

文昌祠 在文廟東北知縣雷寬建

企德祠 在文廟戟門西

玉皇廟 在晶澤保義官張岳重建

李靖廟 在晶澤保鄉民鄒整重建

名山廟 在牟山之上醫官劉讓重建

疙疸廟 在晶澤保義官張岳重建

寺院

興國寺 在縣南門內 香巖寺 在縣西北街西

清平寺 在楊橋鎮 三聖院 在楊橋鎮

乾明寺 在萬勝鎮 寶光寺 在大秦保

化成寺 在原敦保 禪福寺 在大秦保

延福寺 在白沙保 永福寺 在高黃保

清涼寺 在晶澤保 双塔寺 在晶澤保

興果寺 在晶澤保 慈聖寺 在新興保

興隆寺 在土山保 張村寺 在蓋寨保

觀音寺 在大秦保 固持寺 在古牆保

小韓寺 在大庄保 洪福寺 在張村保

洪果寺 在縣北了舍村 崇興寺 在縣西岡頭村

焦城寺

在高黃保

寶峯院

在土山之上

大悲庵

在縣西南隅即列子觀有唐李德裕題名碑元末廢洪武二十年尼僧原清改名

池井

青楊池

在土山保

蓮花池

在大庄保

御井

在縣東海子橋南

瓦桶井

在古壩保

亭堂

高歡亭在大庄保高歡為魏相建今廢羊蹄亭在大庄保今廢

狗脊亭在大庄保今廢甘泉亭在縣治內未成而有記

趙三公堂

在邑屬宜西今廢

樓臺

鳴遠樓

在縣治南街知縣許謹重建有迎朝陽以警衆畢作送

陰以示民咸休之句

望遠樓在縣治內知縣雷寬建

譙樓

在縣門前知縣韓思忠重建

見子臺在新興保母校陂南唐大和間有婦韋氏尋子僧普濟在因名

塚墓

九女塚

在白沙保丈八溝之東相傳五代之亂狄人入寇趙氏女九

人義不受辱皆縊死座於此

七姑塚

在大秦保宋時徐大用弟七女已許趙明遠子未婚夫

亡父母欲嫁之義不適人遂死葬此

蕭何墓

在聖水保

僧母墓

在母校陂中

蔡文姬墓

在新興保

佛胎墓

在縣南三里許

杜儒墓

在大本保

張總管墓

在晶澤保

魯公墓

在魯村公本卒于家年民思之因築塚焉

橋梁

海子橋

在縣東當街跨海子河 白沙店橋 跨白沙坡

韓庄橋

楊橋

東吳寺橋

西吳寺橋

高家窩橋

以上五橋皆跨汴河今廢 丈溝橋跨母接陂水

鞍溝橋

岡頭橋俱跨灘頭河 張家庄橋跨双消小青河

堤岸

護城堤

在縣北天順五年知縣董敏築

衛民堤

從西至鋪綿自縣北至東五里弘治七年知縣郝滋築

公署

縣治

在本城內街北漢唐宋元襲舊洪武三年知縣張永泰

仍建正德九年知縣韓思忠重脩

布政分司

在縣東知縣郝滋重脩

察院

在縣東知縣郝滋重脩

府館

在縣東北知縣雷電重脩

儒學

在縣東知縣雷電重脩

陰陽學

在縣前南街弘治八年知縣郝滋變賣

醫館

在縣北街

圃田驛

在縣東洪武三年知縣張永泰建

通運所

在縣西洪武七年知縣周禮建成化元年

巡撫都御史賈銓遷榮澤縣基尚在

僧會司

在興國寺成化八年開設

惠民局

在縣西洪武七年知縣沈思義建南北長丈東西闊二丈五尺

預備倉

在縣東北又萬勝楊橋韓庄土山各一所

旌善亭

申明亭 在縣西

演武亭

養濟院 在縣南小東西街

社學

射圃 在儒學南

鋪舍

三異鋪

在城

東十里鋪

韓溝鋪

即東三十里鋪

韓庄鋪

即東三十里鋪

孝子鋪

即西十里鋪

丈八溝鋪

即西十里鋪

白沙鋪

即西三十里鋪

名宦

漢

魯恭

字仲康扶風平陵人蚤以明經應召建初中拜

中牟令專尚德化不用刑苛有訟爭田者前令累不能

決公為平理曲直退而自相責讓亭長後人借牛不肯還主

訟之於公公令歸牛再三不從公嘆曰是教化不行也欲

解印去亭長乃慚悔還牛由是吏民信服蝗傷稼不入

牟境府尹表安聞之恐其不實遣仁恕掾肥親往廉察

之公隨行阡陌俱坐桑下有雉來止其旁旁有童兒親

曰何不捕之兕言雉方將雛親隳然而起與公言曰我來

君政之異耳不意因一異而得三異何也曰蝗不入境異也

化及鳥獸二異也。暨子有仁心三異也。又留徒擾賢者，遂辭去。還府，俱狀以白。是歲嘉禾生庭，遭母喪去吏。民思之至，和帝初拜為博士，遷光祿勳。永和元年為司徒。宋景德中，詔贈太師，有祠墓在牟。

繆彤

字豫公，少孤，能敦睦其家。後建中牟令，誅奸吏，威名遠振。

唐

皇甫德參，為中牟丞。貞觀八年，上書諫脩洛陽，詳見史。轉監察御史。

宋

魯宗道

亳州譙人，祥符五年授宣德郎，知中牟縣事。遊

取魯太師事跡作為本傳。

石揚休

眉州人，進士高第，為令。時地瘠民貧，賦役繁重。

金

富人隸太常為樂工，僥倖免役者九六。家揚休悉請罷之。

李寔

高平人，皇統六年登經義進士，為牟令。時會海陵

方營汴京，運木於河，寔頷之以經三門之險，前後失財者衆，乃白行臺以其木散投之水，使工取於下流，民甚便之。

元

田良輔

字君佐，為令有德政，民立遺愛碑。

田恪

字敬甫，廣平人為令有德政，民思之。

張舜元

北燕人，大德間任教諭，有文學。

國朝

張永泰

和州烏江人，由秀才洪武初任中牟知縣，潔已奉

公為政有方榜招流民優復其身逾年而來歸者衆撫諭盜賊伴皆革化秩滿陞戶部主事

周桀 江西吉水人由進士為年令有遺愛碑

周礼 洪武年間知縣事

史思義 直隸順義人洪武間知縣事以事免子孫家于年

張琰 山西沁水人由監生宣德初知縣事綽有治才吏民懷

服卒于官民哀思之

李儀 直隸新安人由監生正統間知縣事

程宣 直隸保定新城人由監生景泰間知縣事

董敏 直隸元城人由監生天順間知縣事

王敷 山西壽陽人由舉人先任渭南教諭有清譽陞

中牟令愈清厲當時當道有魯恭三異垂青史王敷廉達紫宸之句後調嵩縣以事免人及寃之卒葬中牟巡撫都御史韓文有水蘩之操可通神明剛止之氣可貫金石之詞子孫家于年

孫謙 直隸清苑人由監生成化元年知縣事

戴玉 山東茌平人由京闈舉人成化十二年知縣事

許謹 浙江餘姚人由舉人歷教諭陞中牟知縣多文學卒于官

郝滋 字洪濟陝西高陵人由舉人弘治六年知縣事勤

謹有聲陞均州知州

雷霓 字世望陝西朝邑人由舉人弘治十五年知縣

事性忠厚陞淮安府通判

周紀

字廷振直隸盧龍衛軍貫山西靈石人由舉人

正德五年知縣事以事免

韓思忠

字直之直隸保定新城人由監生正德九年知縣事

方毅

江西弋陽人由秀才洪武初任縣丞子孫家于年

王慶享

武陟人洪武五年任縣丞有能聲陞黃州府同知

周子原

衢州江上人由秀才洪武九年任縣丞有善政陞河南按察司僉事

王翔

直隸盧龍人由監生景泰間任縣丞

石成玉

湖廣嘉魚人由監生天順間任縣丞

顧宗

直隸崑山人由中書秀才成化五年任縣丞

李達

山東平度州人由監生成化十年任縣丞以事免

張敏

湖廣文江人由監生成化十六年任縣丞有德政人思之

唐源

遼東寧遠衛軍生由監生弘治元年任縣丞

孫亨

直隸忻州人由監生弘治五年任縣丞

李鈺

直隸獻縣人由監生弘治十年任縣丞

郭琦

山西汶水人由監生弘治十三年任縣丞陞廣德州判官

羅裳

廣東連州人由吏員正德四年任縣丞卒于官

趙祿

遼東蓋州衛人由監生正德六年任縣丞以事免

劉時震

陝西富平人由監生正德九年任縣丞

李禎

山東博興人洪武中任中牟主簿以才堪治劇陞御史

吳文林

直隸績溪人由監生天順六年任主簿

張善

直隸邢臺人由監生成化五年任主簿

王繼宗

陝西咸寧人由監生成化十五年任主簿以事免

張倫

山西和順人由監生弘治元年任主簿

劉福

陝西西和人由監生弘治三年任主簿性誠實人思之

戴倉

山東金鄉人由監生弘治十二年任主簿卒于官

劉誠

陝西寧州人由監生弘治十七年任管河主簿

邊寅

直隸任丘人由監生弘治十七年任主簿卒于官

張和

直隸冀州人由監生正德二年任主簿陞監事

段昭

山西澤州人由吏員正德七年任管河主簿

唐廉

陝西沔陽人由監生正德六年任主簿以事免

李直

直隸新河人由監生正德九年任主簿卒于官

張盛

陝西府谷人由監生正德九年任管河主簿

靳禮

直隸行唐人由吏員宣德間任典史子孫家于年

曹傑

山東博興人由吏員正統間任典史

王斌

陝西朝邑人由吏員天順間任典史

李桐

山東淄川人由監生成化三年任典史

王志

浙江鄞縣人由吏員成化十年任典史

梁鴻

陝西葭州人由吏員成化十四年任典史

于志寧

山西代州人由吏員弘治初任典史子孫家于年

王貴

南直隸通州人由吏員弘治二年任典史有能聲

尹爵

陝西朝邑人由吏員弘治八年任典史

王彥澄 湖廣孝感人由吏員弘治十二年任典史
范繼本 山東歷城人由吏員正德三年任典史

陳志剛 直隸楊州人由舉人永樂間任教諭

李繹 山東城武人由舉人宣德間任教諭

管忠 直隸和州人由舉人正統元年任教諭陞同安知縣

劉祥 江西安福人由監生正統間任教諭

顏琮 直隸和州人由舉人正統間任教諭九年教訓如日

先後教庠生有法惟久以風憲取會疾卒人惜之

康進 江西泰和人由儒士天順四年任教諭

唐泰 湖廣武岡州人由舉人成化元年任教諭

陳傑 浙江海鹽人由舉人成化十二年任教諭卒于官

宿允萬 四川夾江人由舉人成化十九年任教諭

梁成 直隸容城人由監生成化二十年任教諭

王緒 陝西華陰人由舉人弘治六年任教諭

孫宗堯 直隸河間人由舉人弘治九年任教諭陞沛縣知縣

鄭楚材 江西上饒人由監生正德三年任教諭

鄒寶 直隸長洲人由監生正德十年任教諭

王爵 浙江永嘉人由舉人正統間任訓導

馮志 直隸霸州人由舉人天順元年任訓導

張奎 湖廣孝感人由舉人天順四年任訓導

李聰 直隸唐山人由監生成化四年任訓導陞教諭

宋詔 山東德州人由監生成化五年任訓導

葉蕃 山東東平州人由舉人成化十一年任訓導以事免

馮錫 四川大竹人由監生成化十六年任訓導以事免

張璵 直隸華亭人由監生弘治元年任訓導

鄭琬 山西霍州人由監生弘治二年任訓導

張弘 湖廣歸安人由舉人弘治四年任訓導卒于官

段宗 直隸南樂人由監生弘治六年任訓導

李端 直隸泗州人由監生弘治六年任訓導卒于官

彭齡 湖廣應城人由監生弘治九年任訓導

李茂實 山東聊城人由監生弘治九年任訓導

劉翔 直隸景州人由監生弘治十八年任訓導

路雲 山西廣昌人由監生正德四年任訓導

宋壽 直隸深澤人由監生正德六年任訓導

袁旦 浙江新城人由監生正德六年任訓導

縣誌卷之三

古今人物

春秋

田基 佛胗以中年叛設祿邑炊鼎曰與我者受邑不與我者
烹之中年之上皆與之惟基獨後至去衣臨鼎曰基聞之義
者軒冕在前非義不乘斧鉞在後義死不避吾其入鼎矣
佛胗舍而生之趙簡子屠中牟得而取之論有功者以基
為首基曰廉士不耻人如此而受中牟之功則中牟之士終
身慙矣襁負其母南徙於楚楚王高其義待為司馬

本

石中羨 字信美幼輕躁散逸與物不合從潞水先生遊遂



縣誌卷之三

古今人物

春秋

田基 佛胛以中牟叛設祿邑炊鼎曰與我者受邑不與我者烹之中牟之上皆與之惟基獨後至去衣臨鼎曰基聞之義者軒冕在前非義不乘斧鉞在後義死不避吾其入鼎矣佛胛舍而生之趙簡子屠中牟得而取之論有功者以基為首基曰廉士不耻人如此而受中牟之功則中牟之士終身慙矣襁負其母南徙於楚楚王高其義待為司馬

本

石中羨 字信美幼輕躁散逸與物不合從潞水先生遊遂

陶成之趙高薦於秦王王喜曰卿向何在何相見之
晚邪賜爵上及尚食典御旦夕召對多所稱納時或粗
踈上亦未嘗不稱善也後爵徹侯食溫定國二縣之
之以剛鯁不悅於上稱疾以侯就第

東漢

王方

敏而好學警覺天著魯恭以賢良方正舉為侍中

三國魏

任峻

字伯達漢末擾亂關東皆震恐中年令楊原欲棄
官走峻說原發兵以備會曹操起關東峻率眾歸之操表
為都騎尉妻以從妹操征伐峻常居守以給軍時飢旱軍
食不足棘祗建置屯田操以峻典軍器糧運賊數寇抄絕

糧道峻乃使千乘為一部十道方行為柝陳以營衛之賊不敢近
軍國之饒起於祗而成於峻操表為都亭侯峻寬厚有度
而見理明達每有新陳操皆善之飢荒之際收恤朋友遺孤
周之以信義見稱於時卒謚成侯

晉

潘岳

字安仁少以穎敏見稱鄉邑號為奇童謂陸賈之儔也

武帝躬耕籍田作賦以美其事才名冠世為眾所忤遂摯
逐十年出為河陽令種桃李滿縣負其才鬱鬱不得志時
山濤領吏部王濟裴楷等並為帝所親遇岳內非之乃題
閣道為謔閣道東有大牛王濟裴楷輟和矯刺促得休
後選為長安令作西征賦述所經人物山水文辭清致可

宋
法遷給事中黃門侍郎

宋

李師德

宗愈之六代孫天資明敏好學不倦元豐時登進士第授朝奉郎尚書屯田員外郎騎都尉賜鯉魚袋元祐間官國子監丞劉摯作記以美之

元

朱信

字幹蟬起行伍始從軍南征領省都鎮撫取龍興典城撫州勞效最著累官至建昌四路巡檢又能却賊由是威望夙暢姦猾遠屏舟車絡繹商賈貿遷皆信之力後以考最陞忠顯校尉瑞州路同知後知新昌致仕

白鎖柱

登進士任河南行省平章事至正間領兵平山東

寓賢

克冠守益都復守京師扈從太子屢建功勳封國公孫存

戰國

甯越

衛人寓中牟治耕之勞問其友曰何以免此勞友曰其學乎勤三十年可免也曰然人將食吾不敢食人將寢吾不敢寢如是十五年亦足矣乃發憤學十三年博通典籍齊威公師事之後尊為上卿

張珪

字均玉定興人祖張柔以天元帥鎮河南父弘範仍以天元帥繼之珪以元勳之子任岳州路總管出使陝西回條陳八事由武階登文階禮部尚書移河南平章家于中牟卒贈嘉議大夫兵部尚書上輕車都尉清河郡侯謚簡公子孫見存

科甲

閻驥

中洪武丁卯鄉試任刑科給事中

魏珪

中洪武庚午鄉試登甲戌進士任行人使絕域

潘擴

同前任教諭

劉傑

同前任隰州學正陞長子知縣

朱儀

中洪武癸酉鄉試任廣州府同知

王克己

同前任禮部郎中

王盛

中洪武丙子鄉試任星子知縣

种善

中永樂癸未鄉試任南宮訓導

張忠

同前歷任大同延安漢中訓導

慕志遠

同前任博野訓導

張參

中永樂戊子鄉試任睢寧知縣

耿立

同前任河間府通判

朱希

中永樂辛卯鄉試任掖縣知縣

呂貴

同前任益都訓導

董諱

中永樂甲午鄉試任濬府引札舍人

趙賢

中永樂丁酉鄉試任太湖知縣

劉義

中永樂庚子鄉試

安中

中永樂庚子京闈鄉試

劉恭

中永樂癸卯鄉試任介休主簿

武脩

同前

劉浩

同前任太原府通判陞袁州府同知

孟莊

中宣德丙午鄉試

王翰

中宣德壬子鄉試任神木縣上教諭陞瑞安知縣

張楫

中宣德乙卯鄉試任徐溝大城蒲城教諭陞紹興

府教授陞國子監學正

張祐

中正統辛酉鄉試任澤州訓導陞武清教諭

李儒

中景泰庚午鄉試任沐陽教諭陞濬州知縣

張翼

中景泰丙子鄉試

鄭紀

中成化甲午鄉試任石樓知縣

冉鼎

中成化丙午鄉試歷任常清文縣麟遊知縣

王汝清

中弘治己酉鄉試登癸丑進士任工兵二部主事

袁永年

同前歷任順天曹日縣行唐教諭

張翰

中弘治壬子鄉試任夏津知縣陞東昌府通判

張啓

中弘治甲子鄉試

李坤

同前任博平知縣

王胤賢

中正德丙子鄉試登丁丑進士觀刑部政

歲貢

張文達

洪武十七年貢

薛珍

十八年貢任監察御史

郭達

十九年貢任平陽府經歷

劉敏

二十年貢

張義

二十一年貢

邵毅

二十五年貢任監察御史

盧讓

二十六年貢任苑馬寺丞

李琳

二十七年貢任知縣

董勗

二十八年貢任曲靖衛經歷

高信

二十九年貢

潘潤

三十一年貢

張文

永樂二年貢任鹽山縣丞

袁康

三年貢任太僕寺丞

張約

四年貢

趙友

五年貢任州同知

焦遠

六年貢任四川按察司經歷

曹樞

七年貢任監察御史

丁仲禮

八年貢

魯龍

九年貢

劉恭

十一年貢

毛矩

十二年貢任主簿

高勝

十三年貢任袁州府檢校

李春年

十四年貢

宋玉

十五年貢任戶部司務

楊啓

十六年貢

安中

十七年貢中庚子京闈鄉試

王表

十九年貢

楊升 二十一年貢

劉正 宣德元年貢

梁達 五年貢任倉大使

于友 七年貢任蕭山主簿

張馴 八年貢

李謹 九年貢任桂林府司獄

李磐 十年貢任真寧衛訓導

朱頰 正統元年貢任環縣訓導

朱綬 三年貢任阜城縣丞

師鐸 五年貢任興平知縣

武桓 七年貢任博縣知縣陞陸安知州

岳峻 九年貢任京山主簿

孫麒 十一年貢

王瑢 十三年貢任昌平知縣

劉銓 景泰元年貢任臨潼訓導

李景 二年貢任南京副兵馬

韓虜 三年貢任虹縣典史

鄭宣 四年貢任紹興府知事

馬聰 五年貢任登州府檢校

劉良 七年貢任澄城主簿

賀正 天順二年貢任荊州府知事

蔡經 四年貢任新河縣丞

孫綱 六年貢

朱良 八年貢任襄垣主簿

梁明 成化二年貢

趙琮 四年貢任陽曲主簿

張魁 六年貢任松江府經歷

劉淮 八年貢任漳縣訓導

王域 十年貢任淳化縣丞

張齡 十二年貢任臨汾縣丞致仕為人喜怒不形與物

無忤善教人卒後門人私謚曰溫恭先生有狀

張端 十四年貢

袁欽 十六年貢

朱達 十八年貢為人最孝父以負其子處鄉鄰人敬畏

多政行及卒遠近共惜之

范亨 二十年貢

王琰 二十二年貢任延安府經歷

張鑑 弘治元年貢

蔡錦 三年貢入太學不願門差祭酒林瀚表其名

於門云存心可取

張暘 五年貢任鹽山知縣致仕為入好獎勵人進學

從講者甚衆

靳明 七年貢任曲周訓導

鄭如麟 九年貢

陳情 十年貢任鷹武衛經歷

王治 十年貢任東安訓導

畢公正 十二年貢任蘇州府知事

王堂 十三年貢任蔚州吏目

岳澄 十五年貢任清河涇陽訓導陞霍州學正

朱文英 十七年貢任息縣知縣

劉貫 正德元年貢任萬泉右衛訓導

趙廷寶 三年貢任代州大名訓導

王郊 五年貢

張文傑 七年貢任隴西訓導

岳清 九年貢

例貢

孫敬 正統十一年四十例任廣平府知事

劉宗 同前任倉大使

劉韶 同前

郭孜 天順四年納馬例任真定府知事陞夏縣襄陽縣丞

魏銜 同前

崔鳳 六年四十例任府軍右衛經歷陞阜城知縣

陳備 同前任富陽典史

王儀 同前任房山訓導

張瑾 同前

張珩 同前

王詰 成化二十年納粟例任壽陽主簿

朱連 同前

朱繪 同前任乾州判官

楊玠 同前任濟寧濱州判官陞文縣知縣

劉仲賢 同前任秦府典寶

姜進 同前任武昌主簿

吳誠 同前

王用 同前

朱浩 弘治十四年上典膳例

梁臣 同前任遂平府

彭道 同前任唐府

趙廷臣 同前任汾西府

張繼祖 同前任周府

朱世勳 同前任原武府

張潭 同前任封丘府

毛汝澄 同前任儀陽府

朱文林 正德三年納粟例

畢琦 同前

趙佐 同前

李經綸 同前

朱文秀 同前

李經緯 同前

臺灣國家圖書館 NATIONAL CENTRAL LIBRARY, TAIWAN, R.O.C.

李鑾 八年上典膳例

畢珂 同前

朱武仁 同前

許仲臣 同前

委希方 同前

薦舉

雷伯威 以儒士舉洪武四年任薊州知州

劉巨源 以經明行將舉洪武間任翼城知縣

王汝霖 以儒士舉洪武間任本縣訓導

張丙 以儒士舉任本縣訓導

劉濟 以人才舉洪武間任齊東典史

段銘 以秀才舉洪武四年錫連知縣陞戶部主事

盛本 以儒士舉洪武間任行人

陳整 性聰敏好問學通易知悉來事洪武八年以儒士舉

任本縣訓導教誨有方科貢得人秩滿赴南京吏部引天

下考滿教官聽

聖諭我

太祖高皇帝曰楚王幼失教朕欲求一師教之未得開暇整出班奏曰

陛下身臨天下一日二日萬幾那得開暇

太祖喜曰卿正協朕意煩卿為朕一教之是日遣楚府教授能以師道自

任季皆執弟子禮後卒于官王子孫之子孫遂家于湖廣

王輔

以人才舉正統間任至布政司照磨

趙傑

以生員舉景泰間任至宿州判官

隱逸

元

蔡柳

字文卿天資樂易家世儒業五歲知讀書六歲

亡內積勞訓外就師學位元兵南下與母俱俘而北流落順天地
方既長行傭供母雖處危難色養不怠後希故里以力田
為生帶經而鋤以道自樂屢召不起壽八十一而卒

義士

五代

李冠

字宗企晉開運末中國失馭夷狄紛爭冠賊所在

蜂起或傳賊將至冠率里中少年數百誓約曰今賊之來汝
等安忍拱手與老幼待死不若出金帛以餌之彼受不擾
則已否則與汝力圖一戰死亦無悔遂借衆禱於萬勝鎮
之西北隅吳王祠乃托神之靈待賊於境賊果至冠曰汝之來
所需者財賄耳今我謁囊中所有以俟汝無復干吾里不
然則吾誓與汝決勝負于此賊感其言躍馬而出曰此義
士也相戒不擾里中安堵如故萬勝鎮生靈得免兵禍皆冠之力也

國朝

朱淵

字大本性鯁介尚氣節以義官榮身生子八人皆循

禮邑人稱禮義之門成化十五年巡撫都御史李公衍按臨
舉見深加異賞錫以帛粟令與鄉飲七十餘卒于家鄉人思之

孝子

宦達士夫多有詩說教諭陳侃誅其行實載諸堅碑於墓所

于寧

字永康天性孝友事親晨昏不怠母老有疾湯藥

不親嘗不進憂形于色衣不解帶母病轉劇禱天請以身代嘗糞之味母病尋愈人以為孝感所致後母卒蒸祭竭誠
慶鄉鄰言溫氣和人皆敬而畏之成化十二年提學憲副陳公選按臨深加獎異錫以深衣幅巾榮寓鄉飲宦達老父皆讓之
為大賓十五年巡撫都堂李公衍按臨尤敬異之親問飲食多少錫以粟帛令有司時加候問九十餘朝無疾而卒鄉人無不洒泣送葬傾邑至今人尤思之

節婦

國朝

武氏

邑民武大女李三之妻也二十三適李氏李三疾篤語武曰我死後無

他兄弟父母必失養汝肯養之乎武即許諾既葬夫以紡織為業孝事公姑不衰父母憐其少而無子欲嫁之武曰夫死時囑我養舅姑豈可背其言而易其心乎堅不許永樂三年舅姑歿武盡貫以葬之又墓旁築臺以奉祀孀居四十年而卒

陳氏

邑民翟琛之妻永樂二十年琛以疾卒陳方年二十四子鳳生方

一歲家業貧窘母守苦節親鄰憐其子幼家貧勸其他適陳即焚香誓曰我不死為夫之父母尚存遺孤無托耳吾惟養舅姑以終天年撫孺子以存宗祀天其默佑是所願也節竟不奪舅姑既歿竭力營葬子鳳長為邑庠生登曾自監官京衛經歷陳

婦居四十年守節如一日天順二年縣丞趙翔以事

聞行本省覈實旌表未下而卒

劉氏

太醫院醫士劉謹次女年十九歸邑民李禎生子隆甫二歲

而禎死家甚貧事澣補以資衣食有田數畝廉宰王數每歲助耕牛孀居五十餘年人皆以為難劉守節愈厲成化十五年都堂李公按臨錫以帛粟令有司時加恤養仍令具奏旌表會劉以疾卒不果

陳氏

邑民陳聰長女年十九歸邑人潘鳳生子蟾方歲夫亡哭

繼以血茹不更適成化十五年都堂李公衍按臨錫以帛粟命有司具奏會李公去不果陳孀居六十餘年遭子不肖而失所飲恨以卒人皆哀之

劉氏

訓術劉讓長女年十八歸邑人程禮生子繼宗方四日夫

亡孀居依父養贍誓不更適成化十五年都堂李公按臨知與前劉氏為姑姪甚喜錫以帛粟令有司具奏會李公陞去不果守節七十餘年壽九十餘卒

張氏

三異坊民張雄次女生員贊永年之妻年七十八歸賀氏守

六載生子同方一歲成化年夫亡誓不再適針指紡績供舅姑甘旨皆八十餘故殯葬如禮撫孤子同成人克

徽府樂舞生張守節幾五十年冰清玉潔正德二年巡撫都堂

陶公訪知令知縣雷電具奏

准下本省覈實復請旌表未下而卒

仙釋

宋

趙大

又名三公宋慶曆時人處心正直無私能脩養一日

遇異人問曰汝欲富乎貴乎壽乎對曰欲壽遂與靈丹一粒
令吞之言訖不見自後無疾病美髯髯人嘗以太上老
君稱之自贊曰我惺惺我慷慨不持經不受戒遇着酒
時喫幾甌遇着肉時喫幾塊得人恩時報人恩少人錢時
還人債有人依得三公言強似燒香磕腦拜壽三百六
十而卒鄉人立祠堂祀之

縣誌卷之四

文章

招白鎖柱詔諭

皇帝詔諭故元國公白鎖柱曰

朕惟天道好還無繼不復古語云胡虜無百年之運爾讀書者
安得不知自五胡亂華以來胡人雖或竊據中國然未嘗
有過百年之數者今元朝運既百年其數已盡古語可為
驗矣曩者妖人起於穎汝宿徐斡黃定遠等處元兵莫能
討捕隨至蠱惑之士乘時而起海內紛然此果天運致然
歟抑人事使然歟春秋傳曰無首亂夫首亂者必不能享
其福如前日杜遵道劉福通之輩小明王之妖徐真一之

宋

趙大

又名三公宋慶曆時人處心正直無私能脩養一日

遇異人問曰汝欲富乎貴乎壽乎對曰欲壽遂與靈丹一粒
令吞之言訖不見自後無疾病美髯髯人嘗以太上老
君稱之自贊曰我惺惺我慷慨不持經不受戒遇着酒
時喫幾甌遇着肉時喫幾塊得人恩時報人恩少人錢時
還人債有人依得三公言強似燒香磕腦拜壽三百六
十而卒鄉人立祠堂祀之

縣誌卷之四

文章

招白鎖柱詔諭

皇帝詔諭故元國公白鎖柱曰

朕惟天道好還無繼不復古語云胡虜無百年之運爾讀書者
安得不知自五胡亂華以來胡人雖或竊據中國然未嘗
有過百年之數者今元朝運既百年其數已盡古語可為
驗矣曩者妖人起於穎汝宿徐斡黃定遠等處元兵莫能
討捕隨至蠱惑之士乘時而起海內紛然此果天運致然
歟抑人事使然歟春秋傳曰無首亂夫首亂者必不能享
其福如前日杜遵道劉福通之輩小明王之妖徐真一之

恠皆首亂者今此數人果安在哉蓋首亂者殃民故不能享其福善終耳

朕本淮右布衣遭此變攘不能家居入於行伍之中自甲午乙未得兵數千渡保江左以觀天下之變五年以前觀群雄無治世之道黎民遭塗炭之苦試謂大兵四出二年之間一舉以削群雄再舉以平元都由是中原底定四海爲一天道人事彷彿太平之象豈非天心厭亂人心思治理勢之必然乎爾昔爲元臣先從察罕帖木兒繼輔擴廓帖木兒聲名既出部下有人今又假死潛退伏匿鄉里志本求友其計已云得矣然人心不同事難逆觀爾獨不見唐高祖之時高亞賢劉黑闥之事乎一旦或有無知之徒假爾

爲名以禍只爾若不從則如高亞賢受當時之禍爾若從之則必如劉黑闥後秦之悔爲爾計者當出詣有司慷慨歸朝則全家保身共享昇平之福豈不快哉量爾心遲疑而不敢出者莫不爲益都屠城之故猶有所忌若果如是差之多矣

朕本良民彼乃洪人與朕何干從者有之又不見漢高祖之待季布乎布嘗親窘辱高祖尚且赦之况

朕與爾初無纖芥之憾又何疑焉諭至之日爾當察朕所言無悔於後茲故詔諭爾宜悉知

洪武五年六月

日

魯恭本傳

宋魯宗道撰

後漢魯司馬始為中牟令有善政故遺廟在為景德中皇帝朝陵經甘地詔贈太師宗道幼覽古熟太師事蹟祥符五年宰此邑訪接耆艾之言述太師往躅者大與信史不類過差鄙俚不敢筆叙由是深惜太師之美為日久矣重思咸平歲生旣吳途出壽春郡時起居陳學士堯佐為守土臣聞義祖以兄留連累夕行之日辱詩賸道其末云百里桑麻三異政不知誰識漢臣才今縣之北鄉洎縣之傳舍悉以三異名之但未知起居之詩以姓氏言之復作之旨潛與神契乎固是龍君今工刻立太師本傳於廟庭之西廡下庶山牟之人知我太師之道流惠於爾先矣中牟之官服我太師之義勉已於從政矣仍誌起居詩末如廩祿之得有前定如是則躁妄者心不弭乎其傳列之如左

魯恭字仲康扶風平陵人也其先出於魯頃公為楚所滅遷於下邑因氏為世更二千石哀平間自魯而往祖父臣王莽時為義和有權數號曰智囊父某建武初為武陵太守卒于官時恭年十二弟五年七歲晝夜號踊不絕聲郡中賻贈無所受乃歸服喪禮過成人鄉里奇之十五與母及至俱居太學習魯詩閉戶講誦絕人間事兄弟俱為諸儒所稱學士爭歸之太尉趙熹慕其志每歲時遣子問以酒糧皆辭不受恭憐至小欲先就其名託疾不往郡守以禮請謝不肯應母強遣之恭不得已而西因留新豐教授建武初丕舉方正恭乃始為郡吏太傅趙熹聞而辟之肅

宗集諸儒於白虎觀恭特以明經得召與其議喜復舉恭
直言待召公車拜中牟令恭專以德化為理不任刑罰訟
人許伯等爭田累年守令不能決恭為平理曲直皆退而
自責輟耕相讓亭長從人雀牛而不肯歸還之牛主訟於
公恭召亭長敕令歸牛者再三猶不從恭嘆曰是我教化
不行也欲解印綬去掾史泣涕共留之亭長乃慚悔還牛
詣獄受罪恭貫不問於是吏人信服建初七年郡國螟傷
稼太甚緣界不入中牟河南尹袁安聞之疑其不實使仁
恕掾肥親往廉之恭隨行阡陌俱坐桑下有雉過止其傍
傍有童兒親曰兒何不捕之童言雉方將雛親瞿然而起
與恭訣曰所以來者欲察君之政迹耳今蝗不犯境此一

異也化及鳥獸此二異也豎子有仁心此三異也又留徒
掇賈者耳還府俱狀白安是歲嘉禾生安便坐庭中安因
上書言狀帝異之會詔百官舉賢良方正恭薦中牟名士
王方帝即敕方請公車禮之與公卿所由中牟同方致位侍中
恭任第三年州舉元異會遭母喪去官士人思之後拜侍
御史和帝初立議遣車騎將軍竇憲與征西將軍耿秉擊
匈奴恭上疏諫曰陛下親勞聖思日昃不食憂在軍役誠
欲以安定北番為人除患定萬世之計也臣伏獨思之未
見其便社稷之計萬人之命在於一舉數年以來秋稼不
熟人食不足倉廩空虛國無蓄積會新遭大憂人懷恐懼
陛下躬大聖之德履至孝之行盡諒陰一年聽於冢宰百

姓闕然三時不聞警蹕之音莫不懷戀皇皇若有求而不
得今乃盛春之月與發軍後擾動天下以事戎夷誠非所
以垂息中國改元正時由內及外也萬以者天之所生天
愛其所生猶父母愛其子一物有不得其所欲則天氣為
之舛錯况於人乎故愛人者必有天報也太上重人命而
去邪故獲上天之祐夫戎狄者四方之患不氣也躡夷踞肆
與鳥獸無別若雜居中國則錯亂天氣以辱善人是以聖
王之制羈縻不絕而已今邊境無事宜出脩仁行義尚於
無為令家給人足安業樂產夫人道久必下則陰陽和於
上祥風時雨覆被遠方戎狄重譯而至台外易曰有孚盈缶
終來有他言言甘雨滿我之缶誠來有心我而吉已天以德

勝人者易以力勝人者亡今匈奴為鮮卑所殺遠藏於史
侯河西去塞數千里議欲乘其虛耗利其微弱是非義之
所出也前大僕祭彤遠出塞外卒不見一胡而兵已困矣
白山之難不絕如絃都護陷沒士卒死者如積迄今被其
辜毒孤寡哀思之心未絕仁者念之以為累息柰何復欲
襲其迹不顧患難乎今始徵發而大司農調度不足使者
在道分布督趨上下相迫民間之急亦已甚矣三輔并京
少而麥根枯焦牛死已甚此其不合天心之効也郡僚百
姓咸曰不可陛下獨柰何以一人之計棄萬人之命不卹
其言乎上顧天心下察人志足以知事之得失臣恐中國
不為中國豈徒匈奴而已哉惟陛下留聖思休罷士卒以

順天心書奏不從每政事有益於人恭輒言其便無所隱
諱其後拜為曾詩博士由是家法嚴學者日盛遷侍中數
召讌見問以得失賞賜恩禮寵異焉遷樂安相是時東州
多盜賊群輩攻劫諸郡患之恭到重購賞開恩信其渠帥
張漢率友黨降恭上以漢補博昌尉其餘遂自相捕擊盡
破平定州郡以安永元九年徵拜議郎八月飲酎齋會章
臺召使小黄門特引恭前其夜拜侍中敕使陪乘勞問甚
渥冬遷光祿勳選舉清平京師貴戚莫能枉其正十二年
代呂蓋為司徒十五年從巡狩南陽除子撫為郎中賜附
馬從駕時弟杰亦為侍中兄弟父子並列朝廷後坐事策
免瑒帝即位以恭為長樂衛尉永初九年復代梁鮪為司

徒初和帝末令麥秋得按驗簿刑而州郡好以苛察為政
因此遂盛夏斷獄恭上疏諫曰臣伏見詔書敬若天時憂
念萬民為崇和氣罪非殊死且勿按驗進柔良退貪汚順
時令所以助仁德順昊天致和氣利黎民者也舊制至立
秋乃行簿刑自永初元以來改用孟夏而刺史太守不
深惟憂民息事之原進良退殘之化因以盛夏徵歛農父
向對考驗連滯無已司隸典司京師四方是則而近於春
月分行諸郡託言勞來貧人而無隱惻之實煩擾郡縣廉
考非急速捕人罪延十數上逆時氣下傷農桑按易五
月始用事經曰后以施命誥四方言君以夏至之日施命
令止四方行者所以助微陰也行者尚止之况於逮召考

掠奪其時哉比年水旱傷稼人飢流死今始自百穀權輿
陽氣胎養之時自三月以來陰寒不暖物當變化而不被
和氣月令孟夏斷薄刑出輕繫行秋令則苦雨數來五谷
不熟又曰仲夏挺重囚益其食行秋令則草木零落民傷
於疫夫斷薄刑者謂其輕罪已正不欲令久繫故特斷之
也臣愚以為今孟夏之制不可從此令其決獄按考皆以
立秋為斷以順時序育成萬物則天地以和刑罰以清矣
初肅宗時斷獄皆以冬至之前自後互多駁議鄧太后詔
公卿以下會議恭議奏曰夫陰陽之氣相比而行發動用
事各有時節若不當其時則物隨而傷主者雖質文不同
而茲道無變四時之政行之若一月令周世所造而所據

皆夏之時也其變者惟正朔服色犧牲徽號器械而已故
曰殷因於夏禮周因於殷禮所損益可知也易曰潛龍勿
用言十一月十二月陽氣潛藏未得用事雖煦燻萬物養
其根莖而猶盛陰在止地凍水冰陽氣否隔閉而成冬故
曰履霜堅冰陰始凝也馴致其道至堅冰也言五月微陰
始起至十一月堅冰至也夫王者之作因時為法孝章皇帝
深惟古入之道助三正之微定律著令冀承天心順物性
命以致時雍然從變改以來年歲不熟谷價常貴人不寧
安小吏不與國同心者率入十一月得死罪賊不問曲直
即便格殺雖有疑罪不復諫正一夫吁嗟王道為虧况於
衆乎易曰十一月君子以議獄緩死可令疑罪使詳其法

大辟之科盡冬月乃斷其立春在十二月中者勿以報囚
如故事後卒施行恭拜在公位選辭高第至列卿郡守者
數十人而其耆舊大姓不蒙薦舉至有悲望者恭聞之曰
學之不講是吾憂也諸生不有鄉舉者乎終無所立恭性
謙退奏議依經潛有補益然終不顯故以剛直為稱三年
以老疾榮罷六年年八十一卒于家以兩子為郎長子謙
為隴西太守有名績謙子祖官至太僕從轅帝入關與同
徒王允同謀誅董卓及李儼入長安旭與允俱遇害皇宋
大中祥符七年四月二日建

李氏述先記

師德幼侍祖父寺丞官于壽之安豐因先人殿丞在左

言及鄉里命師德前曰吾之鄉乃東京開封府中牟縣自
唐占籍經五代兵火亦未嘗失所居縣之北鎮曰萬勝有
先人之敞廬在開運末中國失御夷狄亂華寇賊所在蜂
起一日傳賊將至吾之曾祖率里中少壯數百輩約曰今
賊之來汝等安忍拱手與老幼待死不若出金帛以餌之
彼受不擾即已如或不然與汝力圖一戰死亦無悔遂偕
衆禱於鎮之西北隅吳王祠乃托神之靈待賊於境賊果
至吾祖曰汝之來所須者財賂耳我今竭橐中所有以俟
汝無復干吾里不爾則吾誓與汝決勝負于此一賊感其
言躍馬而出曰此義士也乃相戒以不徃里中安堵如初
汝當誌之師德竊讀前史感傷五代衰季天下之民墜於

塗炭復思故鄉昔日獨免兵禍而又聞耆父之言往往與
祖父合當時一境獲安皆耆祖之先慮也常恨不能紀載
以傳諸子孫元豐二年秋因被朝命按京東西田十一月
二十一日乘暇借左藏庫副使向宗彝中牟縣尉趙演明
州鄆縣尉陳裕同訪所謂吳王祠因思祖父曩昔之誨竊
恐廓廡間有誌刻存焉果於堂下香爐石之上明著其事
仍見六世祖之名諱冠於里人拜而讀之感泣不已復慮
歲月寢久遂至磨滅因書石於左庶使吾鄉永戴吳王之
賜而德吾祖之深六代孫朝奉尚書屯田員外郎散騎都
尉賜緋魚袋李師德謹記

諸公題跋

古人有言曰知其不可奈何而安之若命不可奈何言也
非命也安之如命者君子之所履也李氏安於其所不奈
何蓋知此者乎元祐壬申七月辛丑門下丞相汲郡公呂
大防書

彼以其暴此以其義彼以不善此以不懼則勝負之理固
已定矣豈復以勢強弱計哉乃虜肆毒鼓行而至乃列
貨賫酒食以迎悅之是危道也然卒能使其服吾言引公
於是李氏之祖非苟然為者蓋前有以勝之矣萬勝之人
至於今不敢忘李氏李氏之後仕者不絕而今朝奉天
曰師德君又以材行有聞於時此天下所以貴陰德也元
祐六年九月二十日中書丞相劉摯題

成均大夫李君出示諸公題其祖德中牟君開運未拒却
萬勝群盜事迹覽之歎然因追感頌高祖父也衛公國初
時納同安叛寇事頗相近悲愴累日不能已也衛仕南唐
為漳州刺史既罷居泉州同安縣未幾泉帥陳王洪進納
上入朝詔以左補闕喬公維岳知州事喬公初至息信未
洽盜起同安之黨洋游洋內聚眾至數千欲脅也衛以入
州也衛訊之曰君輩所以反側者得非以陳侯委土而去
州未有帥乃為此乎今新守即汝帥也能自歸則吾為
爾先於是眾呼曰生死從公也衛自同安百餘里一夕至
州則已上其門矣乃遣其少子夜維入城見導所以然喬
公即時開門納其眾不戰而決境安帖州上其事詔

起也衛赴闕以刺史前資一命授左監門衛將軍事見
太宗實錄方見任用辭以疲老進官而罷中牟縣遭五
季紛擾以白徒察隣里捍強寇義列如此曾無一人為
之稱述表顯於時迄今百五十年乃得諸公褒紀寔以
著聞豈有善者始雖晦者終必顯發乎中牟君之後六世
生值聖時繼有仕者而成均君方以治行稱於時趨向不
苟其遠蹶未易量也中書丞相丹陽蘇頌謹題
李氏祖以布衣處閭巷一旦遇寇盜之將至能挺身奮
策使不犯我境而去一鄉之人皆賴而獲免觀乎智勇
有足尚者若斯人也遂得得位則功名志即豈易量哉
傳曰十室之邑必有忠信於此是之矣世孫大夫君發

揚椿德乃有傳於後可謂善述者云元祐六年十二月
立春日知樞密院安陽韓忠孝題

盜將入吾邑迎以財遺之此理可以却盜使盜不受而為
暴吾衆必致死此理可以救盜然倉卒時或流亂不暇及
此李氏粗真智者耶然非有君子德孫執為信於六世之
後者耶元祐七年十二月九日門下侍郎眉山蘇轍題

余聞蜀父老言安仁趙先生嘗以道義教里人浮化中劇
賊李順亂晉元失守安仁民大駭擾先生率護之惡大
邑山中賊聞其名約不犯趙先生里遂全數千家又使人
以書抵大將王普謀平賊賊平普欲清官之先生不願有
孫宗占仕至屯田郎中歷典數郡為濟南名太守曾孫

尚太中大夫端明殿學士歷安南桂慶延安為賢帥皆有
聲續其下子孫又不凡今觀諸公褒述中牟李君以一言
拒寇保全萬勝生聚其所存正相似非仁者勇決儔能爾
哉今李氏世益顯來孫師德君方愈進於善蓋其侈大未
可量古語云活千人者子孫必封天之報施善人豈虛也
哉惟不出語口是謂陰德宜乎喬胃之賢者雖久而能傳
焉大夫既相示因書其類以告安仁叩屬邑先生名子方
字漢傑中書侍郎蜀郡范百祿題

李氏祖嘗有德於萬勝之人諸君書之詳矣有陰德者必
有後自宗企以下六世仕者相繼當熙寧中七多希世取
顯用朝奉君師德嘗召對獨不為苟合罷去衆稱其長

者今秩大夫豈非祖烈所及遠哉尚書左丞丹陽王存題
唐末五代之亂至晉開運極矣戎狄亂華所在盜賊蜂起
李氏以智暗賊存鄉里萬勝之人至今德之六代孫朝散
君乃能尋其祖已墜之緒刻之石而其事遂白公卿大夫
之有聞於世者皆為跋尾多以謂活人衆者子孫必大李
氏之後其昌乎嗚呼中國者聖賢之所宅而禮義教化之
自出彼夷狄盜賊烏能與之抗也哉譬諸一身內實而血
氣壯盛則外邪不能入內氣既虛一臟受邪則諸臟乘而
交作不足恠也唐之衰盜賊作於內夷狄攻於外唐亡而
盜據中國者歷五姓更五十有餘年而旋亦亡於夷狄何
使唐末之君子內外戮力以獎王室佐佑時主出於忠亮

其君能受而任之不為詭邪詭佞之所間君臣同心以憂天下
而張中國之勢彼夷狄烏能乘虛而至此哉盜賊亦自衰息矣
不惟唐享過歷之福雖五姓盜竊猶足假中國之勢捍夷狄而自
存當時輔佐之君子其子孫之報固有大於李氏之有萬勝
者矣余嘗奉使至此虜之上京揭入泚碑於道傍此可謂中
國之恥矣不知當時輔佐之君子有以此為耻者乎唐則亡矣
五姓亦不旋踵而滅其無取者之子孫有至今存而獲福祚
者乎余嘉李氏能以匹夫存萬勝唐末五代輔佐之君子
不能以天下捍夷狄痛惜當時中國之勢至於如此悲唐之
亡而五姓亦滅恨輔佐者之無取其子孫湮滅而無聞豈不
可哀哉聞李氏之風可少愧已尚書右丞晉陵胡宗愈題

晉亡胡入汴州縱其人也掠汴至殘破萬勝豪李宗金聚其
鎮人謀曰今胡人至束手死與被胡死等耳不若解之或可
免乃相率具費用而要歸路曰汝衆且至吾等出金帛具
酒食以相待於此毋相犯也苟暴吾境有死而已胡人義下
馬投刃曰不犯也受其飲食奔路而去萬勝獨安堵如故
長樂許將曰胡俗以利動者也然聞義而輒服凡師不以
義其能濟乎李氏之采孫師德舉進士今為朝奉大夫
慷慨喜議論不苟合於世蓋有祖之遺風為元祐二年正
月己卯尚書左丞

書

賊死利者以金帛啖之而綏禍不難也使其服義而不取
斯為難矣非誠意終至有以感發擊悍則何以至此哉
中牟君真明義君子也萬勝之人其祀不絕於今者君之
德也予聞活千人者子孫必封李氏之福其未艾乎尚書
左丞安定梁壽題

古之人有善事則入莫不喜聞而樂道之當離亂時或以
名德或以孝義或以才智雖悍夫不軌亦為之回心嚮義而
人賴以安者前史載之詳矣今夫懷才抱德孤忠獨行不
求聞知而人亦莫之知者蓋有之矣觀吾同年李君六世祖
事亦前史之載何異非有後世之賢則先世之烈或幾乎
熄矣方朝廷蒐采遺德顧雖異代諱宜考跡而書之尚
書右丞鄭雍記

中牟三異鄉劉村里吳寺渡之東汴水之北其地四平忽

變崗阜隱隱隆隆雄壓西南股引而北乍起乍伏辛壬癸甲
環擁不斷良迴復已屹然而峙盤揖相照勢出已尾諸方
水來容與前會榮紆緩平道出於丙加之辟木森茂鬱然
四合致而望之遂如山谷長河經乎南太崗周其北乃吾先祖
之安宅也師德嘗以當世名公書六世祖保完萬勝之行揭
石於鎮之西北隅與王祠尚慮後之子孫不能周知今再勸於
先壘之前庶乎繼繼承承歲時展奉孝思追感恭事不忘
復當懷想諸公旌異之意無荒而嬉無肆而忽無怠於學
無廢其業無朋于小人而不親君子脩身勵行以忠以孝恐
恐乎敬之戒之且於後已元祐八年四月辛未六代孫
李師德書

中牟廟學記

教諭張舜元撰

國家學校之設有自來矣唐虞授禪之際堯命契曰命汝典
樂教胥子舜命契曰百姓不親五品不遜汝作司徒敬敷五教
在寬降自三代夏曰校殷曰序周曰庠皆所以明人倫也人倫明
於上小民親於下親親而仁民仁民而愛物是所謂華夏教之大
道也國之賢良人物休戚係焉逮漢唐以降府州郡邑皆立
廟貌下及宋金之教以開設我朝皇元開運中國肇造區宇
先皇帝臨御建元中統頒詔宣聖廟國家歲時致祭諸儒月
朔釋奠宜令洒掃脩潔風教所化克復江淮荒服闡越梯岷航
海輦璫與琛莫不來王奄有四海無思不服元貞改元今上
聖天子龍飛九五頌息詔孔子之道垂憲萬世有國家者所

當崇奉府州郡縣設立學校嚴訓誨作養人材以備擢用其
無學田去處量撥荒閒地土給贍師生稟膳所司常與存恤
大德八年十二月內有循遷被檄宰官田君來尹是縣月朔
詣廟言及左右祭器供牀有關周步廟廡亦無七十二賢
畫像門墻摧圯隨即脩完遂與同僚官屬議作疏鳩金於
衆劇制犧尊象尊瓦豆竹簋各有名件命匠繪畫七十二賢
二十四軸卜哲供牀記日而成已及瓜期新任宰公三驥字景
達與任內官員續造廊廡供牀簋豆工畢一日縣中耆文
趙宣字君實社長人等同詣縣學徐而言曰宰公廣平
人也名恪字敬甫簪笏傳家來尹是邑也乃立意創制文
廟器皿簋豆等件有數已經頓貯衆議廟中原有石環

屬教諭為文以刊成功可也舜元應之曰田君暨在任官
員名垂仕版歷任有臣子之分能副朝廷事意乃忠厚之
至也文雖涼薄義辭不可遂述文刻于石碣以示來哲皆
皇元大德十一年歲次丁未正月望日立石

汴梁路中牟尹田君遺愛之碑

翰林兼國史院編脩王頌撰

吾嘗聞善政而不愧於民心古之循吏也所以係去思之望
今覃懷武陟田君其或似之矣君諱良輔字君佐天資警
悟迥出時輩初髫年博通經史授學於鄉先生國子祭
酒擢齋翁正甫弱冠能詩文以儒飾吏丙戌春內臺叅
卿飛章交薦尋復呈臺充河北道提刑按察司書吏至

辛卯夏六月吏部知其才可用俾充工部掾占對詳明持心
謹愿已亥承堂移借李君希顏張君養浩等謄錄世祖皇
帝事蹟庚子之秋八月省判以良輔能書畢其事進階策
拜黃麻之命官從仕郎汴梁路中牟縣丞兼諸軍輿魯勸
農使大德辛丑春正月君蒞政即召郡吏集其庭諭之曰
我國家張官置吏本以為民期安靜而已今爾曹正宜各勤
乃事策於而家錫以月俸厲其庶隅毋肆侵漁刻剝於下
為終身累一旦被辱悔將何及因問每歲差科遂取里社民
之物力丁差置立文簿分為三等後以甲乙次第之示其均
也每歲健訟赴愬於君者命躬持信牌至其所止與其入
階求公字辨其是否與之剖決允合人情遂即遣去眾偕

以為若神明之斷故廷無滯獄求先是邑中多荒田為有
力者所奪君知之立除前弊遂令小民勤於耕耨教以稼
穡五谷豐而民人育皆為恒產築室而居以日計之開耕
者五十餘頃用是豪右束手莫敢誰何自是厥後不逞之
輩把持官府者悉皆屏跡甫幾年春臺風景為之變於
是民狎於野鑿井耕田鼓腹含哺適彼樂郊桑麻如雲阡
陌相屬鷄犬之音遠近相聞居民不知有橫吏打門之擾
矣退公餘暇率僚屬來遊縣庠談經析理引援古今達於
從政所謂謹庠序之教申之以孝弟之義崇尚師儒誨諭
生徒惟日孜孜業精於勤庶幾他日不失於為令器也以
副青錢之選商旅經行皆出於途其或暴客所掠囊橐

空君研窮得實遂召尉司責以弓兵警跡人等償其所失
然後追捕期於必獲不爾朴作教刑自是群偷息矣轉
徙之民困於衣食至有十年貧乏不能振者知君之善政
私相謂曰盍歸乎來復樂生業九十有餘戶耳未幾繼至
者甚衆五者備矣往年納粟驅馳三百餘里每糧二斛仍
加鼠耗數殆至五六民不堪其命君詣淇門倉語治粟者
則曰今歲以粟輸官較之常年其價十倍若取加耗衆無
更生之望矣况物貴其平深為民便官輒從其義十減其
三四此君之實惠也矣亦奉使宣撫委君監倉論以平收
無多取之弊然則四方之民皆受其賜矣向者聚義倉
糧一千九百有餘石值豐年俾足其數遇歉歲以贖其貧

又能誘掖富戶給粟以補其不之民心胥悅猶解倒懸也
年銷官為破祇用錢積券七百五十餘星馬粟等物赴府
官支遂為定例君為規畫命本房吏劉仁傑即如其數取
中人數家之產各戶以時估價其直則付之若柔毛剛鬣
鵝鷄等數終歲生息既而蕃殖盡輸於官以供庖厨之用
不可勝計無復閑用他資大值歲大旱二麥焦然無復
生意君憂形於色謹借僚屬禱於龍公祠下洎城隍
靈宇引咎責己以不職之非常為祝文諄諄其詞莫
俎方徹雜以褚檟焚之異日甘澍沾足幾盈尺許此君之
真誠格於神明者也向日公解譙樓其傾圮亦已甚矣君
謂宣差的斤不花主簿劉將仕典史彭公曰郎官出宰百

里民之表儀尊其瞻視敢不敬歎此教之所由生也遂割
已俸興滯補弊慨然為之官屬與其同志鄉耆等共任其
責是歲農隙度工計材陶甄畢備君極力經營之不數月
告厥成功於是鳴琴有堂議其政伐鼓有樓知其更丹牖
增輝能成偉觀在君特其餘事耳義出已資增崇東嶽
神祀歲時香火之祀不絕如縷亦居人所敬慕者愿其堂
譽其薦平能謹水壺之誠惟君一人而已別郡以枉法貪汚
者甚衆命君徃按之皆伏其辜或數年未決者如昏田奸
盜凡二十有四此姑舉其大者總而言之得禘契一千百九
十餘星于以見君之履正奉公之心未嘗少置也近職滿將
歸矣衣冠相遮留公老咸涕洟愛之皆莫能挽致過於

攀轅卧轍遠甚故人紫微史君愛甫以君之為政著聞於人
者條陳十餘事命文學涂煥文壯其實徵文於編脩王頤願
勒碑銘於石以慰邦民之思遂為銘曰

夫君孤潔如水霜

夫君善政皆循良

眷言召伯之甘棠

何異朱邑之桐鄉

三年適與人歌揚

父老請置生祠堂

出宰百里瞻星郎

絃歌盈耳聲洋洋

春臺風景樂時康

忠君愛國常遑遑

諒非至誠孰能當

遺愛在民民何忘

一辭萬古志願償

刻諸琬琰留銘章

邈千百世傳餘芳

加封孔子頌有引

教諭王鵬遙撰

大德十一年統天繼聖欽文英武大孝皇帝若曰
孔子之道繼往聖開來學功德懋焉歷代褒崇事惟常典
爰即舊封特加大成之號詔既下四海內外罔不頌德聖上
嗣大寶位一新庶政尤以勸學興士為急深詔有司式遵成
憲府州若縣奔走率職駸駸乎向至治矣惟是中牟達魯
花赤臣買木縣尹王閏等謂縣學教諭臣王鵬遙曰欽惟
先帝褒封宣聖之美今皇上隆儒右文之意謂宜刻之
金石以示無極汝在訓誨若瘖無歌頌以道揚聖德之形
容於汝可乎臣鵬遙承命惶惧不敢以固陋辭謹拜首
稽首而獻頌曰

天地化醇	兩儀以分	肇開人文	堯舜禹湯
乃綱乃常	治教以彰	暨周之衰	世道凌夷
有君無師	女聖有愛	過其橫流	茲道以脩
人倫既明	禮樂中興	後學是承	崇道報功
追封益隆	百王攸同	自漢歷唐	率由舊章
聖元有光	頌且禱焉	皇祚綿綿	億萬斯年

縣誌卷之五

文章

中牟令周公遺愛碑

賜進士出身翰林院編修族孫周叔撰

宣德紀元之春

天子分遣廷臣遍祀天下名山大川暨古先帝王若功德於民者叔實遣祀宋諸陵由河南會府道經中牟令丞而下俱迎候余因問曰

國初有縣令周姓者若等有識之者乎其在邑為政何如衆曰是所謂吉水周渠者其遺愛在人至今雖童孺亦聞知其賢俄而有父老楊約禮輩十數人靡肩皓髮謁于公館

前進曰徃來朝使多矣乃今道及何也予應之曰公定予族祖幼時側聞其為政之善而未得其詳故詢之尔父老曰今尚在否予曰終已十有五年矣遂皆相對嗚咽泣下者久之因嚮予歷歷道其設施撫字之備且曰吾邑前後為令不啻數十百人自太師魯恭後卓卓著稱者逮公方四五人耳累刻石頌公之遺愛又惧數世之遠故老凋零後之人無復有詳其事而卒未有記之者敢以是請予再三辭不獲知縣張琰教諭李繹等又以為言乃復之曰昔魯公之治中牟有三異之政青史書之邑里祠之芳聲偉烈邈乎不可尚矣今公生於千載之下繼治茲邑乃克蹈芳躅俾民思慕愈久而不忘若此豈非賢歟觀公之為政也承海內初定之際下

車首革奸弊立條教有王雒陽之風立學興賢脩舉廢墜有蜀文公之治弛火禁以便民則放乎庶叔度之雅量去任却贖繻之受則同乎劉山陰之清操威以臨之寬以惠之使民敬之如神明戴之如父母宜乎歷五十年而邑之人猶追思之而不置也嗚呼感哉公字仲方晚號隨菴世為吉之吉水人洪武庚戌進士授侍御史轉中牟令居七載以政績優異擢奉議大夫同知台州府事

太祖皇帝時常頒示彰善錄於天下特表著之歷長樂令吉群司訓永樂初

朝廷遴選老成治水利於蘇湖公莅事閱九年以疾卒於官享年六十有九其所至政教不異中牟其子弟先後列

官顯要者尤衆公世家以文學科第為鄉郡望族從子公
明歷長州教諭從孫迪曾孫源咸舉進士族子鳳岐今為
兵部職方員外郎則叔之父也頌公之遺愛而并及其世者
所以俾中牟之人知公之政不徒善於其邑而尤以淑諸家
也若夫采公之行事達于

朝以國史以附祠於魯公之側則有觀風者在焉安知其不有
徵於斯乎并系之以詩曰

烈烈魯公 惠我中年 奇哉三異 邈焉寡儔
公起承之 後有千秋 飭躬礪操 用光前休
不威而畏 不剛以柔 煦我父子 力穡服疇
迪我髦士 德進業脩 弛我火禁 我安其由

我不可應 公不可賤 年谷屢登 野無騰蚤

起我呻吟 化為歌謳 皇懋公跡 陟佐大州

彼民之慰 我民之憂 公今逝矣 遺愛尚留

敢忘公訓 以及厥尤 刻石載德 爰備詢詠

百世之下 前意後周 我民之思 我思悠悠

宣德元年歲在丙午四月十三日知縣張琰立

重脩明倫堂記

教諭李繹撰

夫學校之設其來尚矣肇自舜命契為司徒教敷五教
在寬迄于三代夏校殷序周庠學則三代共之皆所以明
人倫也使君君臣臣父子子綱常之道天啟天秩燦然
昭明於世此二帝三王建學立師之盛制也降及兩漢唐宗

亦莫不有學焉至我

聖朝首建辟雍上而天子之元子衆子下而公卿大夫之適子遠而日本暹羅諸方莫不來學於京師集賢辟雍而教之由是人材有多士濟濟之風廟堂有穆穆群英之盛明良際會非偶然也外而郡邑皆設學官弟子員三年大比論秀興賢而中年儒學托邑宰張侯提調之嚴考較有法豐其廩饌蠲其徭役如是兩科獲中孟氏之子曰莊王氏之子曰翰皆張侯平昔激厲之所致而然也每於朔望釋奠屢言本學明倫堂歷年歲久風雨踈漏弗堪為師生講授傳習之所張侯歆脩之憐民力之不敷因而乃告僚案屬官暨諸生曰

學校乃風化之原賢才之所由出使堂齋之類敝廩爨之不給將何以勉厲乎曷不備已資而重修之僉曰可願捐已財募寡不鳩工買辦木料瓦磚崔匠於宣德十年正月初七日興工至二月上旬落成皆欣欣然曰非張侯之提督用心之慎密其能至於宋麗乎於是署學事訓導趙公順理郭公敬乃相與鳴筆於予以記其事於石以表張侯而為將來勸云宣德十年歲次乙卯二月癸卯上旬吉日立石

重修廟學記

教諭劉敏撰

建國君民教學為先學所以明人倫也人倫明則教化行而風俗美矣學必有廟以祀先聖孔子者益道之所在教之所由大莫能名宜乎廟祀備且遠也中牟廟學在東

北隅歲久漸散天順元年夏大名元城董敏受命治教是
邦謁廟而顧其敝與訓導馮志合謀而新之於是縣丞
王炳三簿藍榮典史曹傑王斌各捐俸為倡以義誘諭
邦之宦達士民若知州武桓知縣王翰縣丞張紀者皆
毛倫等若下人爭先出助遂經營之自殿而廡而門以
次完美徐而目其聖賢偃仆失形宜從改新俱各成
就堂齋則仍舊規朽者以易圯者以脩滯漫者以治
僉謂敏宜紀事刻石以示久遠敏不答辭因進諸生語
之曰中牟魯太師恭德化所被土厚民純諸生有可進
之資知所學者何事學之事無他脩己治人而已其
要自有倫理之倫理明則為臣知忠為子知孝以之脩己

以之治人無徂而不得其說載諸四書六經聖賢垂訓
之大要莫先乎此今廟學維新諸生入廟而瞻遺像遊學
而讀遺書誠克講明佩服真踐實履推而致用必所行
如所言所發如所存以求上不及聖天子下不負所學
則於是學是邦為有光而典政教者與有榮焉否則非
敏所願望諸生曰命之矣請書為記且以為後學厲若
夫勸相其事則者民李安段榮生員蔡經楊志監工則縣
吏蘇謹尚義樂助者題名碑陰同垂不朽天順元年 月 日立石

重修儒學記

教諭陳侃撰

學校王政之本風化之源自古攸重也洪惟

天朝列聖相承歷百十有餘禩同一右文圖治之心迨今

皇上續承大統益敦化理惓惓致意於文治邇歲以來特頒璽
勅命憲臣專督學政鼓舞振作舉由大方一洗浮靡之習
俾趨淳正之學髦士彙興文風丕振治效之隆曠古罕儼
猶與盛哉中牟儒學在縣治左兵燹于元季至

國朝洪武改元之三年邑令張永泰重建宣德乙卯歲令張坎
繼脩天順癸未歲令董敏增脩第以講堂齋號逼臨海
子河許數為河泛溢日就傾圮余忝承乏學諭慨茲摧
敝適值縣尹荏平戴公洫政逾六載通政人和繼以丑支
江張公判簿咸寧王公同官是邑協謀兼濟固欲撤而
新之維時邑幕安化梁公同訓平度葉公大竹馮公亦皆
殫力以贊厥成首作靈星門覆以琉璃眷獸門之西為庠門高

廣侈於舊制次及講堂齋號堂之前為禮門坊庠門內
為義路皆額以扁左右通以角門堂東西環以諸生肄業
之號號之左為會懋堂以至神厨庫庖几案禮器周匝垣
墻罔不以次就緒完飾剝落者補之陳朽者易之卑隘者
崇廣之至於廊廡雖仍其舊而脩緝之功為多是役也始
於成化辛丑夏四月畢於成化壬寅秋九月費出於公不擾
於民故民但見其落成而卒忘其厲已也非戴侯輩經畫
有方後使有節曷臻此耶僉謂予宜為記刻石以貽永久余
惟學校固為政教本原有司首當崇重直以世之不達治
體不識先務者視為分外事慢不加意歆其脩舉以成厥美誠
難哉今戴侯輩諸僚佐同心德役志營為信能祗循

德意克舉其官無忝厥職是固可紀也若夫規模宏壯制度聿新
匪為騁工巧誇美麗侈觀視蓋欲振已往之頹風作將來
之士氣俾各奮發興起勇於進脩務在底於有成行將錄
用於時思以攄忠悃思以樹勲業思以厲名節鏗錡磊落
為當時所稱庶不負

聖天子建學育材之意良有司作興脩緝之勤與諸父兄鄉人平
素之所屬望也顧不律與若徒由此以徼仕進以謀利祿曠
官弛職而碌碌無聞則不惟致一身之辱適貽斯文之玷學
校之羞也余也叨典邑教特伸此以勸抑以戒來遊之士
當知所勉幸勿以予言為迂時成化十八年歲在壬寅
仲冬月望後一日立石

重修廟學記

兵部主事大梁李源撰

弘治六年高陵郝侯來令中年剔除苛細綜其政之所當
先者顧瞻學蠹毀績久侯心凜然負歉于是拮据將茶期
致完美乃以八年六月十一日始事至九年十月初六日訖工自
禮殿及左右廡及講堂二齋師生止宿之廬庫庖庖福
重門周垣靡不完具而又表以坊門規制宏敞像設尊嚴
器數整潔几席清密皆前所未有也越明年春教諭河
間孫宗堯訓導彭齡李茂實介其邑生畢公正屬予以記
歲月惟中年禹貢豫州之域岡阜隱伏河流縈帶在周及
春秋為講武之地宋興密邇伊洛人才丕著田基不與佛
胙叛至今大鄆尚如生存李宗全以智勇弭賊卒保邑境

非剛勁之圃於地產與潘安仁世稱其才媿陸賈李師德登
元豐進士第非文藻之縟於習俗與夫剛勁勇之發也勇
者可與進道文藻才之著也才者可以為學由學而適道
則於天賦之性其庶矣乎若性賦於天至善極粹昧而虧之
者衆也聖人於是乎有教教不能以徧施於是乎有學學
者教之之地擇秀民而居之英俊者企而趨焉嵬瑣者聞
而化焉故風教之隆乎人才之升落率繫於學校之脩
墜學非政之所當先皆與况今邑之所謂秀者剛勁之質
文藻之才地產俗習之符於古又得

國家德澤之所漸磨經術之所造就鼓勇以進德必研聰滌
明畏凶抑頭則道足以約情而不撓夫性之靈抑才以務
學必窮旁括斂實宗允則學足以成才而不遠於性之復由
是道以學融性由道復其或時違懷卷孤見既高而俯視
萬有雖窮若屏慶庸何損苟承時奮庸根本盛大而裨益
三極雖事業滿天下而何加於我將見山川賴人而增重人亦
寄山川而不朽矣侯之所舉意蓋在效匪直軌於備儀繪
飾此至而能以振其職為功也侯各滋由鄉貢進士授今秩名
聞之遠自漢唐宋以來詩禮相繼皆相踵代有文人其最顯
者來世祖昇在元以武功封冀國公陸世祖天挺以文學謚
文定公伍世祖經以節義謚文忠公侯之合績尤多其不繫
於學者茲不書云時弘治十三年歲次庚申仲夏望前立石

彰脩明倫堂記

教諭孫宗堯撰

朝廷設郡邑於天下而學校因之立焉學之有堂所以明人倫以厚俗作士類以待用九率

命廷臣守諸公謁廟之餘歲駐於茲以稽學政以申勸懲學之堂容可不夫其制哉弘治壬戌朝邑雷君以鄉進士來令是邑知學校為六事首務每事為之經心殿廡靈星戟門雖仍其舊而脩葺之功為多深慨明倫堂齋號饌堂倉庫摧敝不堪又慮前闕兩門以泄文氣遂謀諸僚佐郭君琦劉君誠王君彥澄鳩功相材特命陰陽生李成督其事而營為之先明倫堂次齋號次饌堂倉庫且又并其門於東以備人室易卑而高易敝而新規模宏敞氣象軒昂風致為之改觀矣然此百費皆出自雷君之區畫

分毫不擾於下力役雖少貸於民亦以為當然初不以為厲已也若是者亦足以占雷君得民之有素中牟魯恭三異之所去汴一程舊為文獻之地今邑令之賢得民如斯足以踵魯恭之芳躅而又篤志學政如此九遊斯地者其德與學可不圖與之俱高且新哉余忝教斯邑者宜以是為由斯地者勸也工始於癸亥之二月訖於弘治甲子之九月諸生感此進而言於予曰營建功成當有文以紀歲月余即諾之直還其事以壽諸石特弘治十七年歲次甲子季秋月吉旦立石

衛民堤記

兵科給事中磁給周旋撰

中牟距汴城七十里正統間河走汴北經原武陽武之地

去中年稍遠民不罹於河患至十二年河徙汴之西南由
榮澤以入中年境萬勝鎮高家窩灘頭韓庄以達淮泗
縣之東北西三方皆邊於河一遇秋潦灌岸則散漫四溢
高原平野漸為沮洳民不可田甚者穿城注民廬舍百姓
閉門以與水抗曳踵負泥卒無寧居弘治壬子河更故流
自孫家渡楊橋鎮而東竟衝黃陵岡決張秋以入于海甲午
之民稍獲息有然不利於漕輓山東河南守臣以
聞

上命都御史劉公大夏葺往任治水復築黃陵岡時中與令
郝公始來知縣事既繕篆即號於衆曰

天子軫念生民俾予來牧斯邑民之忻戚皆切吾心茲欲

河流俾再由東南而下則將復肆衝噬然事關運道不可
已者吾當與爾衆謀一事自安之計使邑民不儕於魚鱉
斯可爾不自用謀又白於巡按御史徐公并管河副使張
公矧二公素寓斯謀因所陳咸可之即檄委以行於是堤
其東北西三面以障悍流南則恃舊岡以為固議或不協者
公弗之顧而執之愈堅規度其宜計蓄以限出科丁以復力
既公且均民咸用命荷鍤負畚者不令而集起東五里堡毛
家港北至灘頭西歷岡頭以盡於十里鋪其為堤者千五百餘丈
廣則如之土密築堅岸然牆立旁植以柳使根之入地者足以絡
土勢而固之枝之低拂者足以便車馬之馳突凡所以衛堤為父
遠計者無所不至費止若干緡僅用其民三千有奇肇土於治

癸丑之冬訖事於甲寅之春至是而黃陵岡之緒通就水勢南
逼而邑賴以無患民德其惠欲文諸石以紀不忘於乎興事
之始後遺靡定而公毅然任咎不恤浮言事卒底集非其有
衛民之志濟世之才周防慮患之智何能及此彼有官於其土魚
肉其民漠然無所動於中者視郝公不亦愧且忸哉謹記之遣
其民使知安生樂土之有自也時弘治九年歲次丙辰秋九月吉日立石

中牟甘泉亭記

張啓撰

中年成周舊邑也其城自三國後歷隨唐宋元以至于今皆
因之北逼大河而則圃田澤南通乎双洎小清之水土鹵澗下
泉多苦澁而解字民苦之間尤甚焉周公作縣之二年夏六
月雨水漫壻公於宅之坤隅隙地掘而洩之水既竭中涌泉

清澈如鑑酌而嘗之味甚甘冽衆皆駭異以為此去舊井不遠
咫尺而甘苦之味頓殊意者周公德政之所致與公方退遜不自
以為德也二尹趙公歎服注意親任疏鑿之責深穿環甃井成
而泉益嘉內外汲之者無虛日周公乃謀之僚案相井之
北構亭三楹因泉為各用作政暇宴息之所而判簿唐公
段公蓮幕范公掌教鄭公司訓宋公表公協力而贊成之邑
之致仕者艾張暘蔡釗等以亭之成原於事之異亭則不
足為有無而異事不容於不記乃屬予記壽諸石余考之古如
廣利刺山耿恭拜井姜詩汲江皆精忠純孝足以感召乎天地故其泉
輒見於不可必得之間矧即官上應列宿出宰百里德政兼善
者徃徃禎異隨之然則今日甘泉之出近自於居壻之內不歸之

周公德政所致而誰歸乎嘗聞公未第時營先塋於東山之陰塋成而地擁佳石儼然綽綽之像鄉邦有識者指為孝感登第之兆未幾公果頌戊午鄉薦顧今為令而有甘泉之出之異實則地不愛實効玄靈以彰公忠君愛民之善而可以為他日喬遷之張本也昔唐李錫宰虞城苦井化為甘泉民至于今稱之周公宰牟鱸地而生甘泉是蓋曠今古兩見者也魯公三異詎能專美於先乎象其治觀其事於斯時者慶幸何如也耶夫秉彝好德人心所同後之登斯亭味斯泉者其必想慕公之為人而興起其惶悌之心于以踵其志而揚其德則不徒泉不涸而名不泯而牟之民所以被澤於將來者抑亦永永而不替也予故樂為記之公姓周氏諱紀字廷振直隸盧龍衛人貫山西

靈石縣籍以鄉進士釋褐宰牟不二載百廢盡脩六事並舉其他德政之善之詳自有當道者知之茲不復贅云

中牟縣重修城池記

鄉進士李坤撰

中牟禹貢豫州域也星分房心之次地即圃田周宣王會諸侯之處春秋晉大夫趙氏封佛佉為食邑漢唐沿葦木一在宋為近輔之地舊城遺跡尚存或以為佛佉所築自畔後西遷或以為曹操所築以拒袁紹者未知何據今城東枕舊城之麓勢頗高阜迤西卑濕每霖雨內外溽滌滲漉城輒崩潰歷政者因懈弗治正德庚午歲虜龍岡公以戊午鄉薦承

命尹是邑顧其傾圮即有脩廢整頓之意未幾有盜弄橫池兵

者藩臬憲臣檄諸郡邑嚴飭守備公遂謀於貳尹蓋州衛
趙公祿判簿洵陽唐公廉澤州段公昭運幕濟南范公繼
本計其聚工時土最難得轉徙於數里之外編以榆柳高
廣若干丈上建樓堞其下密植荆棘極雖鷄犬不能入
外因水浚池池深廣若干丈經畫規度躬泣其事者累月
掌教士觀鄭公楚材司訓深澤宋公溥新城表公旦補事
翊贊之且命吏蔡溥專督其工日夜亦殫心力纖悉曲盡
以期堅完城南就而寇至公與分地守禦率士民利器械
嚴警柝密巡邏獲謀者數人賊覘知之引去民賴以安工
始於正德辛未歲三月落成於是歲七月邑之致政張公
勗者艾蔡到歆勒石以求其傳余謂古之從政者非從其

口之所不樂而從其情之所自然也自今言之人情莫不
欲逸而先勞之人情莫不欲安而先危之人情莫不欲富
而先困之豈情也哉勢不能已也利害交於前死生係於
後固有捨此而就彼者特徂於目前安於故習而不知耳
故夫負簣荷鍤甚於扶耒之苦其視托戈曳戟者何急關
荆莠棘甚於鋤耨之勤其視轉溝填壑者何大風飡雨食
穿有磨踵甚於轔轔茅索之勞矣其視保抱携持肝腦塗
地於草莽之場又孰重而孰輕歟審此則變欲逸欲安欲
富之情而就至勞至危至困之地蓋有不令而集不驅而
赴者矣故曰不暫勞者不永逸不大動者不久安公之是
舉意蓋如此可謂先事而慮用心勤且密矣彼受若直怠

若事徃徃竊屬民之言以自濟其私至臨利害遇事變徒
委之曰天也此豈

國家付托斯民賴仰於我者之意而我之所以平日涵養
抱負以思爲今日之運用者之心耶大事以終大業以成
燕雀獲一棲之安猶知怡怡自娛吾民父子室家相安於
朝市夕廬之地而求無意外之患蓋亦知所自矣記之非
徒以識歲月用示繼政者無墜其功於後云

拱辰門落成記

朱清撰

防外患固在於城池謹出入尤在於禁門城池高深禁門
嚴密實所以保障乎生民杜絕乎奸細而爲守土者之至
計也正德辛未流賊四起肆逞兇殘其攻城屠戮之慘不

可勝道邑侯周公一聞其風不遑寧處以爲賊勢猖獗
可無備即日偕諸僚佐登高四顧俯視牟之城池卑淺禁
門啾隘恐不足以防外患謹出入以衛吾民而有負

朝廷安養元元之意由是以義募民間壯力者不下數千人更

新其制以爲力守之計擇吏之勤幹若蔡溥者摠攝其事
其人果能體公之心寬嚴得宜布置有方民之感之者樂
於趨事赴工惟恐或後公雖戒以勿亟而慶民子來不旬
日間而厥功就績城焉言言池焉潭潭而城之四門又且
井然制度仇然高大儼乎如天設之險也明年流賊臨境
令間謀竊窺知吾之城池不可攀越禁門不可出入又憚
慕周公威德不可侵侮越境奔突鄰邑爲害至今邑民得

遠慮保障良面之所致也生斯地者抑何慶幸之甚耶本
街生負邵玉等仰德中切於拱辰門工訖之餘屬清爲記
清謹書事之顛末以壽諸石用垂周公豐功懋德於不朽
且以爲將來繼斯令者景仰作爲之一助云

新脩迎薰門記

張啓撰

天下事以義而起者未有不成功者也故倡之者以義和之
者亦以義事之成也不旋踵而待矣夫子以義爲制事之
本爲是故也古今天下不由斯道而坐收成功者吾見其
難也哉河南自徃歲赤子弄兵之餘在在嚴保障之計而
謹門關雉城池則計之先省中牟云省城一程許時虜龍

周公爲之宰聲義於民既使之堅其城深其池矣後高大
其門而且名之東曰朝陽西曰鎮平北曰拱辰各有其義
以次而就獨南曰迎薰取薰風自南而門迎之亦以寓大
舜南風薰兮之歌可以解民愠可以阜民財之義也以迫
於積水先緩其工既而諸作就績始經營之而磚灰瓦蓋
土木之費法則設於官出則自於民舉用之而有餘裕且
子來趨事不日而成夫牟之城門先昔木搭合則瓦石券
之矣先皆卑屋今則高樓易之矣先皆無榜今則令名稱
之矣而上之壽書調度實工房吏蒸薄獨任之落成之日
南街七夫毛汝澄輩相與襲石來徵予記予以爲乃亦知
義者乎周公以義而後民民樂從之而不辭官民感應以

義矣蔡溥奉委而督民民響應之而不嘗彼此遵循以義
矣而門之堅可以禦侮樓之高可以眺遠門有名可以垂
後一舉而三美并皆自我作古孰非義之所當記乎因以
書之用垂不朽云

中年縣科貢題名碑記

張啓撰

皇朝奄有天下以來博採賢才以畜至治顧賢才之生不偶也
乃遠學校以爲培養之區設科貢以爲網羅之具英雄既
入其彀也則因才任使細大不捐故賢才之生也無間於
遐陬僻壤而其出也皆慶夫風雲龍虎無空谷白駒之歌
滄海遺珠之嘆也然賢才自膺教養以至於或從王事也
由有司而達於藩垣以升於宗伯冢宰以通籍於金門位

雖有崇卑職雖有大小而姓名之錄堆謹也下而郡邑亦
必因其所貢舉者以次而題名於學校不有遺也夫名而
題之於學校非徒使賢才之名無忘於先無泯於後也亦
所以彰

國家用才之盛而示將來有志於外而遊斯地者也不示之維何
俾之於平居之際歷數其人必曰此皆吾鄉之先進者也
昔名登天府者也孰儋爵而有俾於家國也孰居鄉而有
益於閭里也孰建大事業策大名檢而有光於天下也聞
或一有不求厥德瑕疵可議者一屬目之際善爲法而惡
爲戒感發懲創之心不少懈者端有係於此也年之科貢
題名舊則書於木扁歲久腐壞僉共惜之甲戌五月保定

韓公思忠奉

命來知縣事始下車先意於此乃礪石謀刻以圖永久特縣丞
劉公特震上簿李公直張公盛典史范公繼本訓導宋公
溥表公旦借邑之致仕知縣張公賜皆樂贊之工落成乃
馮戶言以紀歲月予不佞特亦廁名取中者勉為言之如
志云正德九年十一月上旬吉日立

憲臺箴

僉事包裕撰

聖皇御世廣設民牧日月雖明覆盆不燭爰建憲臣激揚是屬
貴汝之爵富汝之祿職司風紀任寄耳目糾劾官僚詢問
民俗冠以鉄象見惡必觸箴以白筆聞善必錄法要奉公
刑則戒酷代天理物化被草木體君行仁春布陽谷勿玩
憲章勿縱人欲勿避排勢勿作威福勤慎處事詳明
手持衡鑑心清案牘若此而行名光簡竹惟口飽餼君賜
之粟惟身輕暖君賜之服享以美味處以華屋行則車馬
坐則相褥荷蒙

國恩罔思報復不尚德化惟事荼毒峻法嚴刑豈得奸伏沽名
釣譽豈能信服變是為非拗直作曲死者欲恨生者德讀
如期所為鮮不取辱人禍苟免天災莫贖居此職者宜加
玩讀匪我言僭敢伸忠告

縣誌卷之六

文章

重修魯太師廟碑

伊府長史祝富撰

嘗讀軻書至豪傑之士雖無文王猶興之言知古之君子其生也不偶其出也有用存也民食其忠沒也民享其報豈泯了氣數之盛而剛大之存於中者足以充塞宇宙增光日月亘古今而不爽通幽明而無間者乎音人謂申甫自嶽降付說爲列星其真有所見矣若魯太師者亦其人歟太師名恭字仲康扶風平陵人少習魯詩爲諸儒所稱舉直言拜中牟令專尚德化不用刑罰善政未易殫紀而三異特著履歷始末具載祥符五年縣令魯宗道碑刻甚

縣誌卷之六

文章

重修魯太師廟碑

伊府長史祝富撰

嘗讀軻書至豪傑之士雖無文王猶興之言知古之君子其生也不偶其出也有用存也民食其忠沒也民享其報豈泯了氣數之盛而剛大之存於中者足以充塞宇宙增光日月亘古今而不爽通幽明而無間者乎音人謂申甫自嶽降付說爲列星其真有所見矣若魯太師者亦其人歟太師名恭字仲康扶風平陵人少習魯詩爲諸儒所稱舉直言拜中牟令專尚德化不用刑罰善政未易殫紀而三異特著履歷始末具載祥符五年縣令魯宗道碑刻甚

悉迄今縣西有遺廟在焉且中牟占開封屬邑也邈漢上
下更幾百世涉是令者又幾千百人其間豈無豪傑如魯
恭者未聞也然則魯公之政果有異於人耶亦人心之所
同然者耳人心之所同然者何也曰仁也魯公之仁匪特
當時之蝗之鳥獸之豎子也昭昭之靈影響如在至今民
猶賴之如昌黎在潮宗元在柳而利澤無窮焉匪特仁一
邑民累官至司徒特建大議決大事折大獄引證經傳裨
益漢治居多無非此心之仁之旁達故百世之下遺忠在
君遺愛在民遺廟在中土隳而不隳巍然如魯靈之獨存
噫是豈廟之不隳隳也哉此天理之所以常存而人心之
所以不死也弘治辛酉夏雷侯來尹是邑下車條篆心切

愛民百廢以次舉而公廟其一也方葺理間適郡守陳公
按臨謁廟命新其制且指畫其圖爰協謀諸賓屬殫心力
費不假於民而民日趨事者樂如也外築墻垣高尋之四
週裒七十二丈內樹果木百餘株首門樓次二門各三楹
大金書扁額并前令郝侯滋舊建正殿俱丹青藻繪輪奐
翼翼斬然一新飾太師之儀容儼然人望而畏之工經始
於正德丁卯夏六月十三日落成於是歲秋九月初一日
廟成乃走使過洛徵余言鐫諸石用紀歲月雷侯名霓字
世望陝西朝邑人由舉人作縣有聲其亦景慕太師之余
烈而興起於仁者故不辭而書之噫若余言果足以盡太
師也耶正德二年仲冬上旬立石

重脩中牟楊橋鎮三廟記

松江知府黃平撰

人摠誠以事神神錫福以庇民亦理之相須然也夫明則有禮樂幽則有鬼神載之經訓人於神豈可不加之誠使乎誠敬存於中未之見也凡其祠宇之高峻肖像之嚴整能起人之瞻依者皆敬之見於外者摠誠而錫福如影響之應形聲不爽錙銖中牟之邑有楊橋鎮去縣治西北五十里舊為陽武橋鎮有橋故名汴流經其處地沃壤而民叢聚託處於是者幾八百餘戶東西街之中舊有二即神祠西北街之盡有關王神祠二祠巍然為一鎮之禱廟之肇始莫可詳神之出處有可稽者二即神者趙其姓在隋為蜀之嘉州太守境有孽蛟漲水為患神持刃入水斬

之以貧民居民為立廟於郡之灌口俗傳為灌口二郎之神唐明皇幸蜀展威護導加封為赤城王關王者即關雲長扶漢為荊州牧在宋平蚩尤恠於解州鹽池民患蠲息時加封為義勇武安王二神英邁蓋世生則能捍災禦患歿則能護國佑民神威昭布森列於天地間無地不在人所當祀奉也二廟傾圮已及廿載前此居民曾白於縣僚欲興脩之以為不急遂寢成化丁亥夏壽陽王公數嘗掌渭南教以清慎有才為都憲項公之知薦為中牟合下車將三載政甚多公餘興廢舉墜凡其學宮神宇館舍道路煥然一新楊橋之秀民吳瑤者讀書尚義喜為善事以脩二廟呈白於縣王公曰神有益於民其即脩之務在成

功容即日興工夙夜不懈躬親勸助及出已貨關王之祠
重加修飾二節之祠移於鎮北百有十步朔立復業之祠
依廟分地住成此街遂為四通之境復請于縣開鉅集場
民心為便每廟正祠門道以間計皆三水瓦之損腐者易
去之丹堊之漫漶者重飾之神像之剝落不稱者增塑之
金碧交輝照灼人目儻然為一鎮壯觀獨墻垣未暇縣幕
有淄川李公桐由甯監之英來贊是邑一日經行立命集
民併力築完經始于今年春正之廿日告成于夏首之初
吉境之守制學諭尹先生以謂瑤之茲舉誠為盛事來請
予記之予惟興造奉神事之不敢輕舉者以其費財勸眾
也今觀吳瑤以一身之微致眾心之齊興復二廟若神助

之速實為罕得者雖其瑤殫慮從事蓋亦得遭邑大夫之
賢許之委之之專是以人樂助而事易濟也傳曰民之所
好好之玉尹有焉誠足為民父母矣是可書也若夫神之
妥靈於茲錫福於民民之報於神者香火一方愈久而愈
顯其靈應又俟大書於後也因其請述之為二廟記
成化五年八月吉日立石

重建城隍廟兩廡并塑神像記

教諭陳侃撰

夫自京師以及天下郡邑皆有城隍崇以廟貌享以血食
豈淫祀哉善者欲其福之惠者欲其殃之災異欲其捍禦
之所以陰相政治之所靡及而福斯民也神之攸司其大
矣乎洪惟我

太祖高皇帝肇造區夏混一寰宇首正祀典悉去淫祀獨以城
隍頒以重勅加以徽號享以時祭尊崇之意猗與盛矣中
牟縣治之西僅一里許舊有廟在焉前之官是邑者營建
廟寢莊嚴像設煥然具備第以東西廊廡歲久傾圮規模
岵隘弗稱瞻視羽士張泰文因住茲廟具其事白于
夫戴侯輩畝欲撤而新之侯欣然唯諾遂謀諸僚佐捐已
頤作倡仍勸邑之鉅室富家好善樂施之士助以金帛所
積既饒即日鳩工庇材經營量度阜其舊址闡其新制
作左右兩廡各三間共若干楹仍命匠塑以善惡六司神
威烜赫像繪尊嚴金碧交輝丹堊炳煥足以聳人觀視
起人敬畏俎進謁斯廟者觀其善惡榮辱凜然自咎知
所勸懲則一邑之士靡不向善允脩所得并生於

聖明之世共享夫太平之福熙熙皞皞馬於億萬斯年之久也
顧不備與仗之此舉實化導民心以爲政教之助豈曰炫
耀人目以侈觀示之美云乎哉斯役也經營於成化丁
酉春正月落成於是歲秋七月茲因泰文具其營爲顛末
請記於予將刻于石昭示永久予深嘉張泰文氏有志於
恢復因以啓其端戴侯輩注意於敬神足以濟厥美是皆
可紀也若夫協成之人樂助之士工役之徒則亦備列其
姓氏刻之碑陰庶使芳名同垂於不朽焉書以爲記成化
十六年庚子歲秋九月吉旦立石

重脩清源妙道真君記

任城萬進撰

清源妙道真君姓趙氏。其諱也。師事李珣。隋初隱於青城山中。煬帝聞其賢。詔為嘉州太守。郡左有冷源二泉。蛟蟠取中。春夏為民害。昱奮力而斬之。時方二十六歲也。隋末世亂。弃官遁迹。莫知所終。州因江水為災。民思所以拯之。見神現形於青霧之中。乘白馬。彈弓鷹犬從。數人以獵。蜀人識其為降蛟太守。今則為神矣。懇請救災水患。以息民德。其惠立廟於灌口。奉祀之。諺呼為灌口二郎。即其神也。唐太宗封為神勇大將軍。玄宗幸蜀。加封赤城王。神尚特祀於四川。迨宋真宗。因益州大亂。禱神以克之。遂改封為清源妙道真君。天下始大祀焉。牟之城北。舊有神祠。歷歲既久。棟宇傾頽。風雨不蔽。祥符張璠輩志欲新之。顧力

有不贍也。乃相謂曰。三異義官楊公端。其子玠尚義好禮之士也。今判濟寧。往而募之事。必克濟。走書衆人之名而干之。是時楊君在濟。惠愛治於人。誠敬達於神。聞本主神宇之連感千里。鄉人之請。遂捐俸金若干代貨。棟梁以濟厥工。由是邑人相顧而言曰。楊君官於他省。乃能大有所施也。如此。吾輩自視善事。何所吝而不為之乎。乃各輸所有瓦蓋椽題之屬。不約而萃。神宇既成。復木鏤神軀。飾以金碧。儼然廟貌。巍嚴足以起人畏敬。而香火綿綿。焉意神之棲得其所。實乃賴之於人。而人陰受厥福。亦必仰之於神人。神舉得其益。是皆楊君一倡之力也。况神之威靈護國庇民。代代顯著。固非淫祀之比。宜其廟宇之脩遠近。協

力速而且美如此也工始於癸亥之春落成於是歲之冬
衆復書示於楊君君乃龍石干予記其歲月且併施財者
姓名勤之於末同垂不朽云弘治十七年甲子春上旬寓
濟寧判官三異楊玠立石

新建三官廟記

張啓撰

中牟西關道北舊有三官廟自元季兵燹之餘僅存瓦礫
已爲里人所佃莫有復作之者弘治壬子黃冠鄭長山募
合境善人吳著輩用錢數緡贖其地而築之創建正殿三
間土偶肖形幾成鄭去越數載乃弟子張守明踵而成之
殿宇神像飾以金碧既而啓告邑侯韓公二尹劉公判簿
李公張公蓮幕范公司訓宋公表公暨邑之致政大尹張

公等又各捐俸輸財以助復建靈官殿香火厨前闢大門
週繚高垣落成守明干予言以紀歲月予嘗考三官者
周之名臣也居中者唐姓諱宏字文明居左者葛姓諱羅
字文廣居右者周姓諱武字文剛三人同仕於厲王之朝
累諫不從退隱吳地宣王立求得之輔成中興之功居多
幽王立諫不從復隱去終於其地吳民仰其德化最久乃
建祠奉祀之宋真宗封太山幾躡顛三神顛形於上各述
姓字言奉

上帝勅命陰翊陛下真宗封禪回封三神爲上元道化真君中
元護正真君下元定志真君號天地水三官大帝命天下
皆立廟貌以祀之繪神之像者遂以青黃黑服色隨之

國初好事者不諳三神出處存歿之詳謬撰經文序神生於陳
生龍女之配誣辱聖賢莫此為甚歲久未有明之者可勝
嘆哉然神自東周以來特祀於江東至趙宋大祀於天下
其所以起敬於人而人之所以致敬於神者蓋以生為忠
臣有功家國歿為正神護國庇民永永不替故幽明相資
民之敬之者亦永永而不替也夫何昧事於此者徒信偽
經所載奉誦以徼冥福殊不知作善降祥作惡降殃鬼神
之報捷於影響焉有徒誦偽經而來多福之應哉牟去汴
城七十里在宋為近畿大邑廟之作疑起天中祥符初
湮沒既久今而一旦新之非惟壯一方之勝槩實所以挽
三神之功德千古而如新也斯民之香火綿延蓋千載如

一日而神之所以陰佑於民者又豈不隨其誠而應之無
窮哉夫所屬以著廟脩之始末予則重以三神之實應之
亦所以救人心百年之感而俾之識其真也而工之所費
出自官民者類非一人宜勒之碑陰同垂不朽云

新鑄銅城隍聖像記

知縣韓思忠撰

城隍正神也載在祀典自都城以及天下之郡邑咸立廟
貌守土官春秋牲帛以祭之顧以神之護國庇民禦災捍
患厥功不淺而

朝廷之所以報神者亦如是之不淺也民知所賴者烏可不加
之敬乎中牟城隍廟在縣治西自

國初知縣張永泰始立祠宇土偶肖形已幾百五十年中間脩

廢不一率仍其舊弘治壬戌間合境居民萃貲論財重建大殿若神像小不相宜謀畫既久無如之何三異民蔡鍵等三十餘家以遊貨南北二都為業比啓行必禱於神以佑之往來川陸咸以為常曾無風濤暴客所警且利市三陪意者悉神呵護之功已已泰共輸白金百兩市得黃銅千有餘斤用鑄神像以番祈報延大梁金火匠張姓者撥沙為貽坐高七尺有奇圍大如之以十二月三日裝爐預告前尹朝邑雷公以下僚佐亦各捐俸以助是日發火鎔汁一傾而成曾無毫髮累邪磨洗之餘但見金色輝煌形體堅厚足以起人仰瞻而鎮靜境土矣繼又左右翼神官二負南而供香鼎一顆鎔之以鉄共重一千五百餘斤

未復鑄香爐燭臺銅重五十餘斤工既落成適予來知縣事始謁祠宇見神像復異尋常嗟嘆久之越數月致政大尹張賜偕蔡鍵輩扣縣告予曰城隍神像銅鑄已久未有言以紀歲月公閱大族文章巨筆願請記以壽于石予不閑文墨數歲矣且以政事不暇辭懇請再四乃進而謂之曰應祀神祇凡廟宇之建脩像設之繪塑皆吾為民者之責也一民耳能大施已資以金鎔神像其亦代吾之所未及者也是可嘉尚矣夫禮惟天不可僨度人得以祀后土而城隍乃一境土神正斯民之所當崇奉者若輩能為其所願為是誠用財之當而敬所當敬者也然有其誠則有其神古人謂偶然題作木居士便有無窮乞福人

况神像鑄之以金則百千萬年完固而不朽而神之所以
默祐於冥冥之中者亦將永永而不替也嗣是而後凡有
事於廟者覩神像尊嚴必肅然起敬于焉善念興而惡
念銷共趨夫剛常之化同歸於仁壽之域不有肇端於此
乎予故因其所告之顛末言之如右且俾衆人之姓名勒
之碑陰同垂不朽云正德十年 月吉日立石

重脩城隍廟記

張啓撰

正德甲戌夏五月甲子保定韓公來宰中牟始下車禮
謁應祀神祇觀城隍廟真然一新甚悅之謂有如是之脩
建可謂有功於神人矣無以暴白幾何不至於沒人之善
乎矧城隍一境土神之主古今之所崇重其妥靈祠宇

之建凡工作之始末財力之費輸宮庭之間架與夫倡助
者之姓名故事當紀故耆老輩蓋亦撥實以壽諸石俾諸
其命于予記之予惟有善必錄有功必紀此天下之大公
道也不遇公平正大者之在上而揄揚之遂至浸以泯沒
者世豈少哉中牟迫邇黃河成化間水決坍塌城隍廟蕩
然一空時黃冠張泰文者為之住持慨然欲倡而新之殿
址方築材木始有而泰文羽化矣乃弟子張清素矢欲繼
成厥志又得耆老吳山輩先後贊助遍扣四境善人樂為
施予高其基廣其地鳩功相材先建正殿次及迴廊南闕
重門中裁甬道勢衍其基盤矩方繩直規模廣大金碧輝
煌門外表以石坊最後繼以寢殿周繚垣墻而設道院

又皆高脩整潔之可喜者以工計則數萬有立以楹計則
白尔有奇而其費則二千五百緡有奇距工首事於治
壬戌 月落成於正德乙亥 月顧斯工程見知於
有司而不煩其督責費出於衆民而不擾其生業是誠有
功於神人而宜爲韓公之所獎譽者然人鬼雖曰殊途尚
明實則一理邑宰城隍陰陽之表裏也韓公之悅即神之
悅表裏既悅民之獲福庸有既乎殆見有事而入其朝配
其神者肅然起敬予以聳動其爲善之心而爲臣必忠爲
子必孝凡通理亂常之事惴惴焉而不敢有爲安於四境
者則耕食鑿飲坐享景福於無窮悉有所賴嗣是而後
廟事之損者增廢者興誘啓將來作成之心於未變者端

有在於此也是爲記正德十年

月吉日立石

故義士朱公墓誌銘

教諭陳侃撰

河南開封中牟邑義士朱公諱淵字大本爲邑之望族生
居古壩里髫髻時動止不群暨冠成人恪遵嚴訓刻苦讀
書敦尚禮義不事華靡事親日具甘滑益盡溫清奉引
之節鄉人咸以孝目之外母孀居之嗣侍養公事之猶母
朝夕寒暑之甘毳越三十年未嘗或缺臨歿克勤襄事其
篤於內姻咸若是其厚也鄉有庠生常揖喪耦貧弗能續
乃捐已貲及拉鄉之義友爲娶邑士張士賢與之通財歲
幾三紀義若同氣而未嘗少失色其篤於鄉里者又若
是其厚也以故厚德瑰名馳播遐邇邑大夫於鄉飲禮宴

必薦公首席公則辭避不已衆必同心推讓之成化乙酉
歲罹荒歉獨慨然嘆曰民為同胞尚不忍棄況在鄉井容
可若秦人視越人之肥瘠乎遂傾廩數百石為活飢之需
事

聞錫以冠帶榮身平居未嘗足履公府以為媿媿態卜築
城西之墟引水鑿池植花木以為燕遊憩息之所鄉人遂
號為西園老叟熙熙怡樂而不泥流俗不溷塵囂也巡撫
都臺李公衍過邑必命有司春秋賜服以盡優美之意成
化己亥春鄭旦方盛羅珍異會洽鄉舊持盃俯首而卒娶
生於永樂丁卯正月二十日卒於成化己亥正月十日享
年六十有九娶曹氏然娶李氏生十子曰通曰達曰遠曰

洵曰暹曹出也曰進曰連曰道曰還曰巡李出也十子皆
賢通進拜義官達連進太學惟暹道早世子孫繩繩及公
目之所見與夫後三十年來孫男二十有三人曰文英文
林文秀先後入太學曰文恭文學文會文清文傑分克藩
府掾而文方補邑庠生餘皆幹理家務可稱曾孫一十有
五人曰武功武勤亦補庠邑生武仁候

周府典膳缺其餘或治家或攻書或雖在童穉之間亦囿
於禮法之內玄孫三尚幼四世之女悉適名家固不必一
一道也噫公一身尚義顯於當時聞於後世子孫克昌振
家聲愈久而不替宜當時名公巨卿大章短什褒挽追悼
紛紛而不一也卒之逾月卜吉壤於城西北石岡頭之次

而莖焉乃子上舍達斡石求銘幾一世而及侃侃故掇其
行實於前而系銘於後銘曰

偉哉德士 毓秀中年 不吐而剛 不茹而柔

仁為裏服 義為方舟 令望之播 鏗錫鳴球

惠澤之傳 浩然川流 榮膺官服 志適林丘

婉孌佳配 鴛侶之述 紋紛嗣續 鳳雛之儔

與世恬嬉 與道夷猶 英魂杳邈 闕宮玄幽

銘碣昭著 千載攸攸

故國子學正張先生墓誌銘

河南按察司副使會稽胡謚撰

成化歲甲午國子監學正中年張先生以年自引致仕歸

道次臨清無疾卒是歲八月十有四日也時其門人工部

主事滿城南君鵬適使遇茲地為具棺衾歛殯如禮其子

時翥扶抵家以是歲九月十日葬縣城南堯岡之原越四

歲戊戌謚來官河南嘗拜謁墓下時翥以下棺石未有刻

詞猥屬謚諾而未敢執筆也又七歲乙巳四月十有二日

其配伊孺人亦卒時翥以是月十有六日合葬先生之兆

乃併其事狀衰經詣予申前屬伏念先生典教紹興時謚

幸則諸生辱誨惟深則於斯後也雖力不能任而誼不得

辭謹按狀序而銘之序曰先生姓張氏諱楫字齊川號自

牧軒開封中牟人也曾祖大甫祖世明考中代有隱德妣

唐氏二子先生其仲也自幼警敏負鉅志甫羈貫屹如

老成人天性孝友與物無忤選補邑庠生勤苦問學靡
間寒暑博極群書尤精易直德乙卯魁鄉解會試中乙
榜授山西徐溝縣學教諭未幾以內艱去改順天之大城
縣學繼外艱改保定之滿城縣學先生所至端軌範嚴條
約道歷九載如一日所造士克貢外中科九三人考最陞
紹興府教授又歷九載施教視前無少渝所造士克貢九
十人中科九十有七人考亦最遂拜國子之命先生施教
亦無渝而所造士益盛恭遇

聖天子改元成化舉視學之典先生獲賜楮錢千緡錦衣二襲
又明年蒙給

勅命又六年而先生得謝矣始先生喪考妣極力襄事負土

成墳朝夕哭盡哀時河溢縣境獨不及墓人以為孝感事
伯况愈恭至白首無遺言既讓祖遺產而恒分祿給以資
之夙與鄉人魏昇善其人嘗借馬而乘斃輟歸直先生弗
之受其人既歿先生携其子銓至宦所教底其成益為國
子生其篤於孝誼如此且自奉寡約曾誼舉則弗斬斷于
人有攘其物者雖知弗言口未嘗譚人過而汲引善類惟
恐後衆目為長者孺人顯靜和惠不妄言笑自移所天事
上撫下咸當乎分婦儀母道式于宗蠲先生生于永樂丙
戌閏七月十有四日距卒享年六十有九孺人生前一歲
乙酉二月十有五日至是享年八十有一子男二長時翼
中景泰丙子鄉解先卒次郎時翥女適房山縣學訓

專同邑王儀孫易二熒淵女二一適邑庠生王汝清一尚

幼銘

於惟先生曰教是職 歷邑而郡 所至有績

迨陞國博 厥施益宏 請老而歸 倏焉九尔

有淑慶嬪 闡壺之則 百年相將 偕此玄宅

完然隻壁 燁其余光 後來考德 視此石章

故兵部主事王公墓誌銘 主事許庭光撰

弘治癸亥二月十五兵部主事王公以疾卒於家卜於本

年三月十日祔葬于城西北雷家岡北先塋之次其孤胤

賢奉庠生王郊所為行狀泣煩予銘予與公同朝辱知惟

深義不容辭按狀公諱汝清字庶夫姓王氏世為中牟三

異人始祖諱仲禮仕故元官至山西行省左丞曾大父諱

嵩隱德弗耀大父諱翰領宣德壬子鄉薦任端安知縣父

諱壻拜義官公自幼穎悟超群甫九歲失恃悲哀若成人

已而承嚴訓補邑庠弟子貞年十六厥父遘疾侍湯藥不

遑食寢憂懼每形於色暨卒號泣幾自殞歲時祭祀痛親

蚤亡嘗哀毀過禮遺弟汝洪庶母韓氏所出公友愛特厚

教以成人充都司掾平居讀書至言孝處輒涕泣下其克

篤孝友有如此者他如敦宗族睦鄉黨交朋友卹窮困事

尤累累不可殫記且為人嚴毅方正重厚寡言有大志刻

苦問學援筆成文出入人意表前輩士夫皆讓之嘗曰採玉

必於崑山探珠必於滄海為學而不出戶庭管窺蠡測

豈能大有濟哉故覓靜室萃名士日就講磨以窮理為務
實踐為要而不屑屑於章句之習學優行充以書經領弘
治己酉鄉薦登癸丑進士擢工部主事專督器皿廠每以
廉謹自持事無巨細靡不克舉綽有政声比及二載蒙
恩例頒賜勅命進階承德郎推恩贈其父如已官母張氏贈安
人秩滿考最遷今官公愈加勤慎兵務雖繁劇悉處之裕
如也甫彌一載声益譽著當路皆推薦之方將大用遽爾
抱疾同官京師者莫不欷歔而有斯人斯疾之嘆遂請
命乞歸治無何竟以疾卒距公生於天順庚辰十一月二十
二日迄今年四十四配張氏天資淵慧恭儉慈仁克勤
內助懿行夙著封安人無出子男三人煥賢長次煥明俱

聰秀類夙甫補居廬生志向不凡他日必有大成就次胤
勤亦謹飭尚幼則室馬氏所出安人撫摩調護甚已所
育其賢可知矣嗚呼公以宏才碩德擢巍科第自魏公珪
後百年來僅得一人牟陽山水桑梓為之增光可謂出類
拔萃之賢者也宜其享高壽膺高爵而為國家之柱石
可也奈何位未及大顯年未及中壽一旦亡云是誠可哀
也故為之銘曰

猗與王氏 牟陽顯族 世德相承 孝友益篤
爰及於公 幼學壯行 翱翔仕途 茂著休声
方期弘遠 康莊駢驥 中道而培 孰不傷喟
克相厥家 賴有賢配 後胤其昌 声光足繼

鄉山之原

卜此窀穸

刻茲銘石

永耀厥德

中牟令王公行實墓碣

張啓撰

正德庚午歲二月五日夜中央夢一癯古老人厲声告予曰吾前中牟令王敷宗儒也父淹無聊君蓋暴我行實於外乎予將就而問之忽不見矣醒而驚駭者久之憶王公宰縣時拜踰年予始生齒四十餘年而英靈在天一旦來格於我是必有其故也明日乃孫生負綸執公行狀扣予曰僕祖遺襦獲葬已久先人欲立小石表祖行實不果而歿迄今將成前志文非先生不可予聆之載驚載駭以為有如此之事乎函明俱託予何容辭按王氏譜狀世為山西壽陽縣西安里詩禮望族公父昶以永樂癸卯科舉

人授大尹卒于官公幼孤無倚若志詩書期繼先志以詩經領正統辛酉鄉薦母劉氏老之耳肯屈就乙榜分教陝西郃陽惟以薄祿奉母氏妻子不免飢寒訓誨生徒朝夕不倦或以束脩遺者輒答而却之清譽四達轉陞渭南掌教清鄰愈厲孫尹以公本敝為一襲贈之公厲色却之尹報而退當道交章薦之成化二年陞中牟令下車以來令行禁止動若神明愛護小民不阿當道一廉如水近古莫聞提學憲副劉公昌有魯公三異垂青史王敷一廉達紫宸之句七年戶部原亞卿撫河南以公才堪治劇改嵩縣未瓜期豪民以事誣公免官人多寃之蓋公直而不撓所以不為時之所容此非一人之私天地鬼神實鑒之公

由教官歷邑宰二十七年囊無餘貨篋無餘衣既捐館
子貧不能歸葬視于洛陽之淺土弘治七年都憲韓公
文爲黃門時稔聞公名按年詢之於故老以客魂不得其
所爲對衆皆淚下心酸隨命治棺舁歸擇邑東南古城
內高原之地爲塋方塋之日會次王平由杞縣負孺人閭
氏骨來人皆以公平生正直清介感格天地故夫婦得以
合葬焉韓公致詞曰數之爲人冰蘖之操可通神明剛正
之氣可貫金石人以爲至言也子孫遂入籍於中年之清
寧里距公生於永樂己丑卒于成化己未享年六十有二
儒人閭氏有淑德內助遂公志子二長曰清娶鄭州大使
韓公文次曰平娶杞縣程公文孫男二曰言娶賈氏曰論

邑庠生娶馬氏皆庸所出曾孫四曰文光文輝文顯言所
出文明綸所出嗚呼公以剛方之資益浩然之氣雖古之
廉吏無能出右而乃屈而不伸無獲大用於時宜其英靈
久戀年陽德化之地終柶柶而不忍去也即公靈如此之
著然後知忠臣烈士生有益於人國其死也精靈不聚
與天地相爲悠久如公者宜其行實歸于時而俾年之人
民公之子孫永承思之承之而不替其久俟觀風者即其
行實採而錄之以著爲明時循吏云

溫恭先生行狀

致仕知縣張暢撰

吾邑鄉進士張啓含泣過予曰孤之父以辛未七月卒于
正寢月終權葬于城西北雷家岡北新塋之次其平生行

誼惟鄉先達知之最悉乞狀其實行將乞銘于名公俟他日陰宅既定納諸函室以傳不朽幸勿辭予與先生幼同遊辱知殊深子啓又斯文最契敢各言乎按先生諱齡字永年姓張氏世爲中牟三異里人曾大父諱世榮大父諱寬皆潛德弗耀父諱安曉天文地理之書亦不以功名累心起家教厚配袁氏生三子先生長幼岐嶷不好弄十二歲選入邑庠甫弱冠喪父事母至孝終身不遺顏色撫二弟最友愛未嘗有可室声性聰貌偉從乃從祖鄉進士忠遊攻書經景泰間應歐陽公按臨愛其才貌命改攻禮記期傳衣鉢先生卒業是經八論秀不象鰥卜者曰君命奇終不獲此進先生元未厭成化丙申貢入太學復屢議

竟不捷乃教子必欲成厥志庚子復珙時堂友長習風不羨有志者多厭爲大司成丘公少司成費公選先生爲之不然罰內府苦差先生甘寫刑科奏本六逾月丘費二公甚重之是時撥歷多營求東衙門者先生欲演法律志三法司而不得乃撥中府人以為忠厚者自獲此彼營求者何用爲哉上選之家一惟以教授生徒是事弘治癸丑授山西臨汾縣丞居官苦樂不趨避招議行移手自裁之吏人寫成案而已時門人鄭紀以甲午舉人任石樓知縣去臨汾數百里有大事必遣使請斷於先生而後行先生守身清介人不敢干以私衣飲不加於常時子啓嘗一省之詭言吾父何不營爲子孫計先生正色責之曰汝不以窮

達一道視我邪生汝輩教讀書即其計也餘復何求啓拜而謝之弟以陰陽生授本縣訓術過任所傾囊贈之且為歎弟泰早亡收遺孤網教成人網常犯禮蕩財亦不深責俸祿餘費目亦不視悉委長子唯掌之比致仕回行李蕭然而已時弘治己未也居家又十五年足不履縣衙屢聘位鄉宴大賓不三二次竟不赴矣蓋先生性好靜危坐一室人不至室不知其在內也平生喜怒不形與物無忤莊重隱默恥言人過鄉鄙有大事多訪決之善教誨先後弟子數百人博通古今筆法遒勁一邑士夫咨模之尤工於吟咏自幼至老一毫財帛不入手以故父歿後蓄積漸消耗家徒四壁居之裕如也先時富饒曾以白金三十

兩借同號交趙琮者歲久絕不掛齒好義輕財類如此後琮官山西陽曲主簿至者皆莫獲館穀琮常語人曰得我禮侍者其唯張永年乎時先生雖窘甚亦竟不至也素苦風眩遠選時尤甚人以才大官小惜之先生付之一笑而已家法嚴無少長皆不敢大聲氣子弟輩稍有過先生雖不顯誅恐悞不敢近者數日雖鄰里老幼亦皆敬畏之正德辛未春忽嬰疾子啓時赴禮闈乃思之曰吾今年當遷化啓何時歸乎四月初啓回喜甚即起如無疾又兩月復疾作矣七月二十日早整深衣幅巾曰吾午時當回也至則不然復語家人曰何差我一日乎明日午時當報我家人惟恐其時至忽報曰午時矣奄然而逝顏色不改者數日先生生於宣德甲寅四月十日

卒于正德辛未七月二十一日享春秋七十有八配單氏性柔
貞與先生偕老相敬如賓子男二長唯娶李氏次啓以易
經中弘治甲子科亞元娶趙氏女三長適祥符馮昭次適監
生朱文英次適縣吏趙忠孫男二曰木邑庠生娶魏氏曰
木娶賀氏孫女三長適典膳朱武仁次字吳晏次字彭九
州曾孫一曰夢魁嗚呼先生純德君子表儀鄉邦年之先
後人物雖隱顯不同剛柔不一靡不服其忠厚而敬讓之
計聞遠近男女莫不悼惜及至塋送者傾邑門人鄉進士
李坤輩私謚曰溫恭何斯名之稱情乎若先生之行誠可以
大書特書以傳永久故不辭而撮其大者于右以俟立言
君子采擇之正德六年八月一日書

縣誌卷之七

題詠

御製魯恭詩二首

魯恭為令治中牟德化漸摩孰與傳漢史特垂三異
政聲名燁燁古今留
三異當年鵲政聲嘉禾况復產中庭顯榮壽考延壽
子報德昭昭信有徵

題梵菴篆符

唐太宗

鶴立蛇形勢未休五尺文字鬼神愁儒門弟子無人識
穿耳胡僧笑點頭

題魯恭祠

宋龍圖學士韓維

卒于正德辛未七月二十一日享春秋七十有八配單氏性柔
貞與先生偕老相敬如賓子男二長唯娶李氏次啓以易
經中弘治甲子科亞元娶趙氏女三長適祥符馮昭次適監
生朱文英次適縣吏趙忠孫男二曰木邑庠生娶魏氏曰
木娶賀氏孫女三長適典膳朱武仁次字吳晏次字彭九
州曾孫一曰夢魁嗚呼先生純德君子表儀鄉邦年之先
後人物雖隱顯不同剛柔不一靡不服其忠厚而敬讓之
計聞遠近男女莫不悼惜及至塋述者傾邑門人鄉進士
李坤輩私謚曰溫恭何斯名之稱情乎若先生之行誠可以
大書特書以傳永久故不辭而撮其大者于右以俟立言
君子采擇之正德六年八月一日書

縣誌卷之七

題詠

御製魯恭詩二首

魯恭為令治中年德化漸摩孰與傳漢史特垂三異
政聲名燁燁古今留
三異當年鵲政聲嘉禾况復產中庭顯榮壽考延壽
子報德昭昭信有徵

題梵菴篆符

唐太宗

鶴立蛇形勢未休五尺文字鬼神愁儒門弟子無人識
穿耳胡僧笑點頭

題魯恭祠

宋龍圖學士韓維

善政邈無跡其流在民心君看魯太師廟食猶至今
豈如文俗士朱墨坐浮沉趨堂止目前不顧患害深去
漢餘千載此弊竟相尋我行道祠下感激為悲吟不
見田馴雉啼雅空滿林

詠仁宗幸太學

宋監丞李師德

隆典遺經已表章又傳清蹕幸膠庠黃龍繞駕天
移仗白雪分袍士綴行况是體元能作聖更歡稽古效
規王太平盛世文明遠萬國文風自一堂

羨田縣尹

元廉訪知事程千里

昔日曾無入境蝗今年霜不害農桑若非德政奇三
異安得天災限一方瑞靄連空水徧野黃雲成積麥
登場魯公仙去田君五千載真堪繼後芳

過魯恭廟

巡撫少保于謙

長民曾羨魯恭賢民物熙然各遂天境外遺蝗徒擾
擾桑間馴雉自翩翩閭閻民俗猶前日史傳聲華紀老
年寄語即官勤撫字循良衣鉢要人傳

前題

河南僉事曹日連

牛刀曾屈試中年漢史多傳政蹟優馴雉引雛依豎子
飛蝗知界遠平疇聲名耿耿猶今日朝食堂堂幾百秋
寄語後來司牧者好推仁化繼前脩

前題

布政陸淵之勸水災過福命訓道張弘代題

出巡郡邑過中年舉目淒涼遠近秋俗羨雖存三異澤

水洪忽動九年憂仰惟先哲多嘉政來謁清祠薦庶
羞因發救荒良便策免教黎庶驚魚遊

前題

訓導張璵代題

路入中牟謁古祠堂堂遺像肅清儀仁聲尚膺斯民
口美譽常存太史碑黠徑茗苔馴雉跡遠蒼松樹老
龍枝世之相後千餘歲拜罷瞻依不忍離

中牟懷古

河南金事劉咸

鴈澤馱陂接夢澤汴河空繞七山沉龐消基廢陰風
慘佛肝城荒珍氣浮官業每懷蕭相國民心猶憶魯
中牟欲尋古蹟嘆難通搔首臨風嘆未休

謁蕭何墓

前人

半世悠悠刀筆場偏持文墨事高皇入關獨解收秦
籍畧地先能絕楚糧指示功勳高一代定來法律勝三章
臨終更薦曹參代萬古忠心日月光

假巫禱雨有感

知縣許謹

取得龍池一勺泉登壇雲氣便油然傾施霖雨蘇枯槁
極極農夫種晚田誰謂吏誠心有感祗因民望眼將穿
好生本是乾坤德特假師巫術裏宣

過中牟有感

二首

鈞州知州董傑

十里荒郊九里沙漫漫草莽翳桑麻只因素識問閭
苦羞把催科去起家

為憾鄉村路險傾年年脩待貴人行不堪風雨閑侵薄

脩去脩來只不平

前題

布政使楊子器

落日中牟道西風匹馬過孤村危沱水四野苦沙漠草木
無春意生民有怨歌寄言廊廟者燮理事如何

前題

進士考城底蘊

還鄉心急起逢明指向歸鞭走馬行十里驚沙丘壠絕
數村逃屋拔茅生高低楊柳宜罔勢浴卧鳥鷺愛水
清試問魯恭司牧日不知民事竟何成

中牟寫懷

河南僉事陳嵩

丙辰八月又西巡屈指年勞已八春時序催人容易老江
山笑我往來頓綠陰茅屋村庄迥紫陌香塵客路新

行部風清良不惡願分餘澤及斯民

和前

河南按察使鄧庠

一歲中牟兩度巡心期寒谷盡回春那知田里荒涼甚祇
為河流轉徙頻禾黍苗空沙溷壓逋逃門掩草萊新願
將短䟽干明主息澤來蘇畝民

和前

河南僉事彭綱

落日庭花笑獨巡行藏常自嘆秋春江山處處題應徧
事業年年說厭類官渡尚遺芳草在圃田空見綠楊
新西風惆悵英雄土都付鋌禾滴汗民

和前

河南僉事包裕

疋馬蕭蕭又出巡暖風吹袂正陽春深憐白屋征徭重

徒仰蒼旻感嘆頻遠近山形還似舊芳菲草色又
更新一夫不獲時予辜斯道思將濟若民

和前

提學副使車璽

遊觀自昔重時巡耕斂周詢秋與春醉卧青山遠日夕
開殘紅藥舞風頻九河已變堯田舊三異誰如魯令
新大業未成凋瘵甚幾回俯首問窮民

和前

提學副使秦金

屈指星輶又一巡圃田西望不勝春衣冠慢說文風盛桃
李應逢化雨頻夢繞禁城千里遠眼驚時事百年新
循良自古稱三異試把今人問我民

和前

提學副使林廷至

流光為惜重逡巡非戀花前麴米春竹影庭隈節月細
鳥聲耳畔送風頻傷心不見人情古回首俄驚世事新
眼底春牛誰問喘可堪辛苦為斯民

和前

巡按御史李瀚

倭遲周道徧經巡到處窮簷不見春客久也憐裘葛救
才疎敢厭簿書煩半生踪跡紅塵舊千里風霜白髮
新滿目瘡痍成太息隨車無政吞蒸民

和前仰答憲臺諸老先生

張啓

撼動嶽山重出巡中州喜見布陽春姦猾獨懼秋霜凜
士類均沾化雨頻赫々憲章遵示久紛々弊政望更新
閭閻疾苦只多少試下轡車問小民

和前

知縣韓思忠

阡陌從來未徧巡為嫌行樂頌及春賢勞政事忘餐
久怕負光陰把鏡頓清白家聲仍播舊循良宦業要
圖新滿腔惻隱應推廣都付阜陽四境民

謁魯恭祠

前人

久慕循良羨魯恭丁今為令繼前蹤清祠古像幸相
見美俗淳風可再逢本傳一篇昭簡策遺聲千載付
笙鏞我來恐負先人訓敝政紛紛旋補縫

和前

訓導宋溥

入廟先須致敬恭古碑摩試認行蹤名垂三異仍還在
人去千年竟不逢短疏長編昭太史芳聲羨譽振清

鏞于今更有循良吏堯舜衣裳次第縫

前題

訓導袁止

德化昭昭格上台天人符會亦奇哉飛蝗不犯嘉禾茂豈
子存仁野雉來三異休風人企仰千年血食廟尊鬼
我今得遂摳衣願敬把椒漿奠一杯

和前

縣令劉時震

當年顯達應中台疏諫頌投羨亮哉循吏名從三異
得贈章息自九重來風聲悠遠流前占廟貌尊崇
依後鬼千載秭今還景仰邑人誰忍奠殘杯

前題

教諭鄒寶

一官持鐸到中牟敬仰高風謁我侯賦畝嘉禾蝗迹

道兒童感化雉雛留綿，血食千年享燁，聲華百世流。幾過祠前追往事，稽良令聞冠中州。

詠芹宮占柏

袁旦

佳木喬脩百尺長，托根夫子舊門牆。三冬積雪凝寒，六月重陰散晚涼。勁操有靈延聖化，清芬無染類天香。賢才培護知珍重，留待皇家作棟梁。

和前

韓思忠

古柏凌霄歲月長，那堪培養聖宮牆。霜皮溜雨龍光發，露葉掀風月色涼。根到九泉通道脉，脂凝千載播書香。明堂改作輪材日，誰羨長門賦杏梁。

宿中年

林好

秋風颯颯耳邊聞，華髮飄蕭兩鬢分。紛樹影庭階清印月，鴈聲霄漢遠連雲。銅龍別院傳更漏，金獸幽堂掩夕薰。紅燭燒殘閑夜坐，旅懷却笑浪憂殷。

詠並頭蓮

監察御史楊滋

誰把紅幢種碧流，風搖拂起浪沙頭。絕編遺愛瀟溪說，繼世弗誇太乙舟。但借古泉興八政，不妨瑞氣見双毬。吾皇頒錄尋符紀，先載人間第一休。

和前

戶部主事黎臣

深紅淺綠滿中流，清直奇花現並頭。玩賞主賓開綺席，喧歌士女隔蘭舟。葉翻小大擎青蓋，房老高低擁翠毬。信是賢侯多異政，感召瑞物應天休。

前題

張啟

若不聞張堪漁陽麥兩岐更有柔桑無附枝又不聞許謙
鴈門禾合穎家田三生皆異隴顧此聞名不見真何如笑
蓉玉一種並蒂迥出碧澄中彷彿含笑清流裏天資標
致不染塵日新每滌靈池水首分葩本連理風過一般香
雨滋千種美仁德感召天地和池塘偶爾呈嘉瑞古來
嘉瑞亦多端此瑞料應為首最遠邁張堪暨許謙直
與三異相撐肩時雨降兮蝗青息併此宜留青史間當
道入秉藻鑑殊常異績寫一通不文獻上 黃金殿

挽朱義士

錢塘立厚

築圃城西近水濱榮膺冠帶樂閑身七旬為壽人稀

似八子聯芳世罕倫每釀春醕留好客常輸廩粟濟飢
民仙遊一去無消息說著高風共愴神

前題

進賢葉燦

重義輕財著令名一門橋梓沐恩榮西園贏得多佳致
牟邑俄驚失老成華表鶴歸春寂寞楚山猿怨夜淒清
待看子姓登華要次第封章表墓茔

前題

三異張齡

人生貴尚義尚義足貽謀已受冠帶榮清世坦優游八
子善繼述允為鸞鳳儔仙塋黯夕照孤鴈凌高秋悲歌
不盡意古木風颼颼

挽温恭先生

門人李坤

哲人生不偶，還化竟難回。忠厚風聲在，老成梁木摧。歌
殘妾薄命，立損雪盈堆。重上原頭沔，山川草木哀。

前題 用時韻

訓導袁旦

彼蒼何不壽，斯文遽奪年。陽一偉人猿鶴泣，空招不返
詩書淋後澤，猶新溫恭盟。謚垂方策忠，厚聲各重縉。
紳有子登雲，時擢用。 恩光終見賁高墳。

前題

太學生王郊

模範鄉邦久著聲，誰知天上玉樓成。後凋古柏方驚老，
纔倒東山頓覺輕。華表啼紅來野鶴，士林洒淚望佳城。
昭明氣致應難盡，化靖風起後生。

詠八景

聖岡仙景

知縣韓思忠

地僻遠城廓，春深半草萊。遊人遙指處，時見有樓臺。
魯廟晴暉

世遠遺容古，堂高老樹蒼。風清雲霽後，化日正舒長。
土山獻翠

空有樹為伴，全無石作胎。曉風催野色，遠遠送青來。
沐水帶流

一長如許當年浪，鑿開甲兵洗不淨。今古徒縈迴。
海潭秋月

地脉涵金潤，天光散晚晴。夜深寂萬籟，水月闔双清。
興國晚鐘

象教稱岑寂禪心鎖北堂蒲牢何太苦終日叩昏黃
龍池靈應

小可疑杯酌少忽破漢川靈通時變化一躍可朝天
狗脊各山

儲形因地擁賦性本天成馬耳金鰲背原非浪得名

聖岡仙景

張齡

販客遊僧特地來白雲深處隱樓臺分明一派神仙景
回首成空何恠哉

魯廟晴暉

祠宇堂堂插碧霄雲收雨霽曉天饒魯恭風化今猶
在民仰遺光瑟尚調

土山獻翠

極目南山送遠青兀然坐鎮一方寧寶峯前後多必致
還有高僧講梵經

汴水帶流

鑿開地脉達揚州環繞半山不斷流隋廣病民民病廣
至今難洗惡名頭

滄潭秋月

綠水澄清秋有色碧天寂靜夜無聲一輪寶鑑懸空
轉普照人間不世情

興國晚鐘

烏雀南飛揀樹依上人隻履已西歸蒲牢叫破黃昏後

一百八聲僧掩扉

龍池靈應

初九潛龍久在淵不時變化上青天只因雲漢民常誦
便施甘露普大田

狗脊名山

任歷春秋卧不舒形骸原自老天儲等閑極日遊觀徧
還想洛陽黃耳書

聖岡仙景

張時翥

邑外隣城一阜岡周圍旋繞樹蒼蒼有僧西去逢嘉客
約伴東來禮梵王會日禪門何壯麗別時寺宇俱荒
涼芳名自此人稱著千載于今尚永忘

魯廟晴暉

曾將德政化斯民三異嘉聲達紫宸肖像巍巍隆祀典
脩祠徯徯度芳春雲收暮雨苔堦潤日散晴暉棟宇
新羨譽千年昭不朽為將實蹟勸貞珉

土山獻翠

百尺岡陵土作堆凌空形體勢崔嵬嵒我遠眺晨煙鎖
突兀遙觀曉霧開僧寺日臨生翠靄禪塔雨過長蒼
苔幾番步入招提境聽講經文意倦回

汴水帶流

汴河雨過水清涵一派東流漾碧潭拍岸縈紆如繞
帶穿城泥濫似拋籃行舟納黍名空譽入郡看花事

罔談煬帝徒留千古蹟特垂青史後人參

海潭秋月

碧雲飛盡海潭寬月轉晴空夜未闌一帶湖波清可掬
半彎玉系魄靜堪看桂花香裏風初度梧葉陰中露正
寒橋上倚欄閑坐久樓頭不覺已更殘

興國晚鐘

釋教西來禮梵王寺名興國建年陽山門壯麗超中界
寶殿森嚴冠十方塔影幾層閑白晝鐘聲百八振昏
黃我來上刹遊觀日惟恐闌黎飯後撞

龍池靈應

方塘半畝近城涇猶水藏龍幾許深普浸天光如展鏡

淨沉霞散似鋪金祈晴遽爾昭層漢禱雨俄然澍大霖
靈應至今稱不泯詩人識此費豪吟

狗脊名山

峭拔生成接遠坡奇名稱喚歷年多遙觀跼踖渾如犬
近觀峽嶠不似螺草碧連天迷望眼麻黃出土起沉疴
中原佳地無如此今古令人費咏哦

聖岡仙景

張啓

誰曾此地步黃金建刹何勞造物心出落樓臺無又有掩
藏殿宇淺還深祗存瓦礫迷芳草那得檀那住遠林一
白身商駭看後至今無實可追尋

魯廟晴暉

當年百里蕩陽春便立生祠肖像新老樹每橫擎日幹
荒村還有歸牛民碧天雲歟光華遠花縣仁漸風俗深
物換星移秋幾度清儀仍任可相親

土山獻翠

壁立崔嵬上挿天茂林深處藹雲煙綠磻數里鋪青蘚
浚井百尋注碧泉綠竹籬邊仙子唱寶峯院內老僧
眠曉來睇眴渾思擬一點天仙翡翠鈿

泮水帶流

隋堤夾處自沉浮環繞半山徹夜流農叟引渠滋后土
漁翁攪掉泛扁舟一灣素練通天上萬里清波達地頭
慨自獨夫覆駕後至今不復下楊州

海潭秋月

影涵寶鑑碧澄清蕩地金波似羽輕玉兔含英生素魄蒼
龍擎霧吐玄精瑤天湛湛渾無翳清夜迢迢自有聲月
照海潭潭漾月人間萬象自分明

興國晚鐘

纔照幽窓二尺檠禪林便放蒲牢聲撥回殘晷收田作
送盡夕陽罷市爭幾點小星出落疾半輪新月上來輕
天街寂靜黃昏後一任空庭鳥雀鳴

龍池靈應

乾隅鑿破地成淵內有潛龍幾許年襍旱雨沾百里
邑祈晴雲歛九重天香巖寺裏聽三昧玄武宮中駕

二仙變化無窮應叵測可堪說似費雕鐫

狗脊名山

誰剪岡巒肖此形儼然黃耳附林垆軀山靜矣伏還穩心
地帖然卧不驚背上麻黃藥翠翠耳邊皂角樹青青
想從剖判竊醇醞直至于今睡未醒

中牟縣誌後序

皇朝有一統誌河南有總誌中
牟誌似不必作然一統誌紀
天下之大總誌紀一省之大
而其小者皆互所畧也一統
誌作於天順時總誌作於成
化時而其後者尚互未錄也

况在有小史掌於官野史藏
於私今雖小邑亦必有誌即
二者之遺意也載事不嫌於
瑣屑莫非紀多方之事實善
善惡示勸懲以化導人心而
扶植王化之本豈徒資觀覽
廣見聞以快一時之心目哉

此中年誌所以不可不作也
甲戌歲保定韓公以篤實之
資淳正之學且得於尊甫都
憲公教養之至先知武康以
內艱服闋乃有宰中牟之
命視篆數月政通人和不自逸
豫慨中牟誌久而未定乃取

諸家所藏抄本躬自披閱筆
則筆削則削不逾月厥誌以
成噫公之此作誠有大過人
者觀其一誌之中鋪叙整齊
巨細畢舉於文章則宗正而
黜邪儼然聖賢之家法於人
物則褒善而貶惡凜乎春秋

之手筆與凡古今事蹟地里
山川之屬雖非一類靡不珠
燦星輝一開卷而備五目前
雖然有諸中必形諸外非平
日飽乎經史熟於世故克乎
才氣疇克至於此哉古人謂
宰邦國須膺中今具一郡國

宰天下須宵中全具一天下
又曰推此可以治天下蓋公
編輯是誌見之筆端者春容
正大一洗百年諾作之陋而
成一邑未刊之典則其宵中
抱負可知也惟此而見諸事
業必能踵尊甫公之芳躅而

昭著於天下矣書成將壽諸
梓啓特受較正之責不辭狂
妄因續貂而書之於後如此
云

正德十年歲在乙亥春正月
下泮之吉甲子鄉貢進士三
異張啓書